


# 宋史

紀十二之七




庫文閣内	
八	五
函	〇
一	三
二	六
二	五
架	冊
號	類

内閣文庫	
番號	漢 5065
冊數	122 ( 4 )
函號	281 28

共百二十二

四



綴じ部(喉部分)の文字など開きが不鮮明な箇所あり

本紀卷第十二

宋史十二

開禧同三司上柱國錄軍國重事尚書右丞相兼修國史領經筵事都總裁臣脫脫等奉

勅修

仁宗四

淺草文庫

年春正月癸卯以歲饑罷上元觀燈壬子命近臣  
同三司較天下財賦出入之數二月甲申出內庫絹  
五十萬下河北陝西河東路以備軍賞三月戊子朔  
詔季秋有事于明堂己丑以大慶殿為明堂甲午遣  
官祈雨丁酉月犯軒轅大星戊戌詔明堂禮成群臣  
毋上尊號庚子契丹遣使以伐夏師還來告丙午所

嘉靖丙辰年

卷之六

一

監生陳若丁刊

巳酉詔兩浙流民聽人收養翰林學士趙槩報使契  
丹夏五月丁亥朔新作明堂禮神玉巳亥旌定州義  
民李能六月巳未出新製明堂樂八曲丁卯以自製  
黃鐘五音五曲並肄于太常庚午定選舉縣令法壬  
申月犯填星癸未錄繫囚熒惑入輿鬼犯積尸癸亥  
出內藏絹百萬市糴軍儲壬申深州大雨壞廬舍九  
月丁亥閱雅樂巳酉朝饗景靈宮庚戌饗太廟辛  
亥大饗天地于明堂以太祖太宗真宗配如園立大  
赦百官進秩一等詔自今內降指揮百司執奏毋輒  
行敢因緣于請者諫官御史察舉之冬十月庚午熒

惑犯太微上將乙亥宴京畿父老于錫慶院閏十一  
月巳未詔后妃之家毋得除二府職任丙寅秀州  
地震有聲如雷丁卯詔中書門下省兩制及太常官  
詳定太樂河北水詔蠲民租出內藏錢四十萬緡絹  
四十萬匹付本路使措置是歲芻糧十二月甲申  
定三品以上家廟制喃厮囉西蕃瞎嚕西南蕃龍  
光能占城沙州來貢涇原路生戶都首領那龍男  
阿日丁內附

三年春正月乙丑幸魏國大長公主第視疾二月丙  
戌宰臣文彥博等進皇祐大饗明堂記巳亥復行

河北沁遼州軍入中糧草見錢法三月庚申宋庠罷  
以劉沆參知政事癸酉儂智高表獻馴象及金銀卻  
之夏四月癸未詔河北流民相屬吏不加恤而乃飾  
厨傳交賂使客以取名譽自今非犒設兵校其一切  
禁之丙申太白晝見五月庚戌以恩冀州旱詔長吏  
決繫囚壬申置河渠司乙亥頒簡要濟衆方命州縣  
長吏按方劑以救民疾丁丑錄繫囚六月丁亥無為  
軍獻芝草帝命姑免知軍茹孝標罪戒州郡自今勿  
復獻秋七月癸丑詔少卿監以下年七十不任釐務  
者御史臺審官院以聞嘗任館閣臺諫及提刑

者中書裁處待制以上能自引年則優加恩禮丙辰  
以孔氏子孫復知仙源縣事丁巳兩制禮官上大樂  
名曰太安辛酉河決大名府郭罔口乙丑罷徙州縣  
長吏不任事者十有六人丙子減郴永州桂陽監丁  
身米歲十萬餘石八月丙戌遣使安撫京東淮南兩  
浙荆湖江南饑民辛卯詔諸路監司具所部長吏  
治狀能否以聞是月汴河絕流冬十月庚子文彥  
博罷以龐籍同中書門下平章事昭文館大學士  
高若訥為樞密使梁適參知政事王堯臣為樞密  
副使十一月辛亥減漳州泉州興化軍丁米十二月

庚辰新作渾儀庚子詔文武官七十以上未致仕者  
更不考課遷官甲辰罷災傷州軍貢物是歲涇原樊  
家族密廝歌內附

四年春正月己巳詔諸路貸民種乙亥塞大名府決  
河二月庚子蠲湖州民所貸官米三月己酉詔禮部  
貢舉丙辰蠲江南路民所貸種數十萬斛辛酉錄繫  
囚辛未詔官禁市物給實直非所闕者毋市夏四月  
庚辰詔修河兵夫逃亡死傷會其數以議官吏之罰  
廣涼州寧懷智高反五月乙巳朔智高陷邕州遂  
陷橫峯等八州圍廣州壬申命知桂州陳曙率兵討

智高六月乙亥起前衛尉卿余靖為祕書監湖南安  
撫使知潭州前尚書屯田員外郎直史館楊旼體量  
安撫廣南提舉經制盜賊事庚辰改余靖為廣西安  
撫使知桂州命同提點廣東刑獄李樞與陳曙討智  
高廣東轉運鈐轄司發兵援之丁亥以狄青為樞密  
副使秋七月乙巳出內藏錢絹助河北軍儲丙午命  
余靖經制廣南盜賊事丁巳大風拔木壬戌智高引  
衆去廣州廣東兵馬鈐轄張忠知英州蘇緘邀擊于  
白田忠戰歿甲子廣東兵馬鈐轄蔣偕又敗于路田  
八月癸未詔開封府北大風雨民廬摧圮壓死者官

爲祭歛之辛卯命樞密直學士孫沔安撫湖南江西  
內侍押班石全斌副之九月丁巳命余靖提舉廣南  
兵甲經制賊盜事庚申廣西兵馬鈐轄王正倫討智  
高于昭州館門驛戰沒智高入昭州庚午以狄青爲  
宣徽南院使宣撫荆湖路提舉廣南經制賊盜事是  
月智高襲殺蔣偕于太平場冬十月丙子太白犯南  
斗詔鄜延環慶涇原路擇蕃落廣銳軍各五十人赴  
廣南行營丁丑智高入賓州甲申復入邕州丁亥以  
諸路飢疫并征徭科調之煩令轉運使提點刑獄親  
民官條陳救恤之術以聞十一月壬寅朔日有食之

戊午詔免江西湖南廣南民供軍須者今年秋租十  
之三十二月壬申朔廣西兵馬鈐轄陳曙討智高  
兵戰于金城驛壬辰觀新樂乙未錄唐顏真卿後是  
歲河北路及鄜州水蠲河北民積年逋負鄜州民稅  
役

五年春正月壬寅朔御大慶殿受朝庚戌以廣南用  
兵罷上元張燈白虹貫日丁巳會靈觀火戊午狄青  
敗智高于邕州斬首五千餘級智高遁去甲子遣使  
撫問廣南將校賜軍士緡錢二月癸未狄青復爲樞  
密副使甲申赦廣南凡戰死者給槨櫛護送還家無

主者葬祭之賊所過郡縣免其田租一年死事家科  
徭二年貢舉人免解至禮部不預奏名者亦以名聞  
丙戌詔廣西都監蕭注等追捕智高丁亥下德音  
減江西湖南繫囚罪一等徒以下釋之丁壯饋運廣  
南軍須者減夏稅之半仍免差徭一年戊子詔百官  
遇南郊奏薦無子孫者聽奏耆親一人乙未詔宗  
室通經者大宗正司以聞二月癸亥遣使奉安太祖  
御容于滁州太宗御容于并州真宗御容于澶州  
是月賜禮部奏名進士諸科及第出身千四十二人  
夏四月甲午命劉沆梁適監議大樂五月乙巳詔

輔臣凡有大政許復對後殿高若訥罷以狄青爲  
樞密使丁未孫沔爲樞密副使戊申詔轉運使毋取  
羨餘以助三司庚戌詔智高所至州無城壘若兵力  
不敵而棄城者奏裁壬子錄繫囚丁巳詔轉運司振  
邕州貧民戶貸米一石甲子詔諫官御史毋挾私以  
中善良及臣僚言機密事毋得漏泄六月乙亥御  
紫宸殿按太安樂觀宗廟祭器丙戌作集禧觀成  
乙未詔河北荐饑轉運使察州縣長吏能招輯勞  
來者上其狀不稱職者舉劾之秋七月乙巳詔荆湖  
北路民因災傷所貸常平倉米免償己酉詔薦舉

非其人者令御史臺彈奏見任監司以上弗許薦  
論戊午詔太常定謚毋為溢美閏月戊辰詔廣南  
民逃未還者限一年歸業其復三歲壬申龐籍罷  
以陳執中同中書門下平章事昭文館大學士河湟適  
同中書門下平章事集賢殿大學士乙亥詔武臣  
知州軍須與僚屬參議公事毋專決庚辰秦鳳路  
言總管劉煥等破蕃部斬首二千餘級八月丁酉朔  
詔民訴災傷而監司不受者聽州軍以狀聞辛酉策  
制舉武舉人壬戌詔南郊以太祖太宗真宗並配九  
月乙酉觀新樂冬十月內申朔日有食之壬子丁作

鎮國神寶丁巳詔以蝗旱令監司諭親民官上民間  
利害十一月丁卯朝饗皇極殿宮成辰饗太廟奉慈  
廟已巳祀天地二園立大赦丁丑加恩百官戊子放  
天下逋負十二月戊午詔轉運官毋得進羨餘至戊  
以曹陳許鄭滑州為轉運使畿內置京畿轉運使  
是歲占城國來貢

至和元年春正月辛未詔京師大寒民多凍餒死者  
有司其瘞埋之士申碎通天犀和藥以療民疾癸  
酉貴妃張氏薨輓視朝七日祭京城樂一月丁丑追  
冊為皇后賜諡溫成辛卯錄繫囚減三京鞠郡雜犯



四百个  
死罪一等徒以下釋之二月庚子詔治河災民有疫  
死者蠲戶稅一年無戶稅者給其家錢三千壬戌孫  
馮罷以田况為樞密副使三月己巳王貽永罷以王  
德用為樞密使辛未命曹公亮等同試入內醫管  
主申賜邊臣攻守圖置京畿提點刑獄乙亥太史言  
日當食四月朔癸辰下德音改元減死罪一等流以  
下釋之癸未易服避正殿赦常膳乙酉詔京西民飢  
宜令所在勸富人納粟以賑之夏四月甲午朔日有  
食之用牲于社辛丑御正殿復常膳祥源觀火五  
月戊寅以河北流民稍復遣使安撫壬辰太白晝見  
秋七月丁卯以程戡參知政事立溫成國戊辰梁適  
罷己巳出御史馬遵呂景初吳中復八月丁酉詔前  
代帝王後嘗仕本朝官八品以下其祖父母妻子犯  
流以下罪贖贖未仕而嘗受朝廷賜者所犯非兇  
惡亦贖贖丙午以劉沆同中書門下平章事集賢  
殿大學士命修起居注官侍經筵九月乙亥契丹  
遣使來告言國平辛丑遣三司使王拱辰報使契丹  
己丑太白晝見冬十月辛卯朔太白晝見壬辰詔皇  
庶家毋得以嘗備顧之人為姻遠者離之丁酉亥  
溫成皇后丙午溫成皇后神主入廟戊午幸城北砲

四百个  
場觀發砲宣從臣賜衛士緡錢十一月甲子出太廟  
禘祫時饗及溫成皇后樂章請于太常十二月丙  
午詔司天監天文藝術官毋得出入臣僚家癸丑詔  
內侍傳宣令都知司劄報被旨者覆奏是歲融州  
大丘洞楊光朝內附

二年春正月丁卯奉安真宗御容于萬壽觀歲  
畿內輔郡囚罪一等徒以下釋之賜諸軍緡錢戊辰  
邕州言蘇茂州蠻內寇詔遣廣西發兵討之丁亥  
晏殊薨二月壬辰汾州團練推官郭固上車戰法  
既試之授衛尉丞三月丁卯詔修起居注立於講讀

官之次丙子封孔子後為衍聖公是月以旱除畿內  
民逋芻及去年秋逋稅罷營繕諸役夏四月己亥  
契丹遣使賀乾元節以其主之命持本國三世畫  
像來求御容辛亥定差衙前法乙卯出米京城門  
下其價以濟流民五月己未錄繫囚辛酉詔中書  
公事並用祖宗故事戊寅詔戒百官務飭官守六  
月戊戌陳執中罷以文彥博同中書門下平章事  
昭文館大學士劉沆監修國史富弼同中書門下  
平章事集賢殿大學士乙巳儂智高母儂氏弟  
智光子繼宗繼封伏誅秋八月戊子減畿內輔郡囚

罪一等徒以下釋之乙未置臺諫章奏簿壬子  
詔中書樞密院第宗姓服屬自明堂覃恩後及  
十年者咸與進官九月戊午契丹使來告其國主  
宗真殂帝為發哀成服于內東門幕次遣使祭  
奠弔慰及賀其子洪基立戊辰詔試醫官須引  
醫經本草以對每試十道以六通為合格辛巳罷  
輔臣宣徽節度使乾元節任子恩及十月丙戌錄唐  
長孫無忌後已丑詔京畿毋領輔郡罷京畿轉運  
使提點刑獄癸丑下溪州蠻彭仕義內寇詔湖北  
路發兵捕之十一月乙卯交趾來告李德政卒其  
子日尊上德政遺貢物及馴象已未行並邊見錢  
和糴法十二月丁亥修六塔河丁酉詔武臣有賊濫  
者毋得轉橫行其立戰功者許之庚子契丹遣使  
致其主宗真遺留物及謝弔祭庚戌太白晝見  
壬子作醴泉觀成是歲西界阿訛等內附詔遣還  
龍賜州彭師黨以其族來歸大食國西蕃安化州  
蠻來貢

嘉祐元年春正月甲寅朔御大慶殿受朝是日  
不豫辛酉輔臣禱祠于大慶殿齋宿殿廡近臣  
禱于寺觀及遣諸州長吏禱于嶽瀆諸祠壬戌

御崇政殿癸亥賜在京諸軍緡錢甲子赦天下蠲被災田租及倚閣稅戊辰罷上元張燈辛未命輔臣禱天地宗廟社稷是月大雨雪木冰二月甲辰帝疾愈御延和殿三月丁巳詔禮部貢舉辛未司天監言自至和元年五月客星晨出東方守天關至是沒壬申遣官謝天地宗廟社稷寺觀諸祠癸酉契丹遣使來謝閏月癸未朔以王堯臣參知政事程戡為樞密副使詔前後殿間日視事夏四月壬子朔六塔河復決丙辰裁定補蔭選舉法甲戌錄繫囚是月大雨水注安上門門關折壞官私廬舍數萬區諸路言江河決溢河北尤甚六月辛亥朔詔鑿日不御殿伏終如舊辛未免畿內京東西河北被水民賦租乙亥雨壞太社太稷壇戊寅遣使安撫河北已卯詔群臣實封言時政闕失秋七月乙酉命京東西湖北監司分行水災州軍振飢蠲租丙戌賜河北流民米壓溺死者賜其家錢有差己丑出六藏銀絹二十萬振貸河北月入南斗乙巳貸被水災民麥種是月彗出紫微垣長文餘環朔小過族族知州張揆破降之八月庚戌朔日有食之癸亥秋三月罷以韓琦為樞密使是冬彗滅甲子出恭謝樂章

拜于太常乙亥朝謂景靈宮戒京城禁同旋罪  
一等杖答釋之戊寅詔湖北招安彭仕美九月庚  
寅命宰臣攝事于太廟辛卯恭謝天地于大  
慶殿大赦改元丁酉加恩百官庚子賜致仕卿監  
以上及曾任近侍之臣粟帛酒饌癸卯舉行御  
史遷次格自京至泗州置汴河木岸十一月辛巳  
王德用罷賈昌朝為樞密使十二月壬子劉沆  
罷以曹公亮參知政事甲子白虹貫日是歲西  
蕃磨種角占城大食國來貢融桂州蠻楊克端  
等內付

二年春二月己酉梓潼及路三里村夷人寇涪并監  
庚戌錄繫囚降罪一等徒以下釋之遣使錄三京  
輔郡繫囚壬戌杜衍薨澧州羅城洞蠻內寇發兵  
擊走之癸酉王德用卒是月雄霸州地震二月  
戊寅振河北被災民乙未契丹使耶律防陳說來  
求御容戊戌淮水溢遣張昇報使契丹癸卯秋  
首卒是月賜禮部奏名進士諸科及第出身  
八百七十七人親試舉人免黜落始以夏四月工  
未以河北地震遣使安撫丙寅幽州地震壞  
城郭覆壓死者數萬人己巳邕州火嗣穆懷宗

旦入寇祭晉以彭任義文降遣官安撫湖北五月  
庚辰管公麟府軍馬公事郭恩為夏人所虜歿  
于斷道焉己亥詔興行磨勘法六月戊午夏國  
主諒祚遣人來謝使宗卷成及以淑妃苗氏為質  
如秋七月辛巳詔河北諸道總管分遣兵官教  
閱所部軍辛卯命孫林張昇磨勘轉運使及提  
點刑獄課績丁酉詔陝西河北諸路經略史撫舉文  
武官材堪將領者各一人八月己酉詔磨勘賜諸  
道節鎮諸州錢有差命一以吏選官和藥以救民

疾正子人印言海等詳定經校庚申詔磨勘因降罪  
一等徒以下釋之癸亥策制舉人丁卯置廣惠倉

九月庚子契丹再使蕭扈吳湛來求御容之十

月乙巳遣胡宿報使契丹丙午詔令十一月丙

申詔三司使體量判官才否以聞十二月戊申詔

自今間歲貢舉天下進士諸科解舊額之半置

明經科罷說書舉人辛亥立內降國白二府法是

歲西蕃瞎種并諸族西平州黔南道王石自品西

南蕃鷓州來貢

三年春正月戊戌鑿水道河二月癸亥契丹使來

告其祖毋哀輟視朝七日遣使祭奠弔慰癸丑

錄繫囚陰審一等徒以下獲之三月甲戌詔禮部貢  
舉夏四月甲子吳育卒乙丑罷禮部定祖宗神御  
殿丙辰詔守令或貪恣老昏以適為寬以苛為察  
以增賦為勞以出入刑罰為能而欲使者宜之舉  
勤自今其各思慮職毋撓權毋縱有罪以稱朕  
意五月壬申增國子監生員甲午契丹遣使致其  
祖母遺留物六月丙午文彥博賈昌朝罷詔以  
為昭文館大學士並行琦同中書門下平章事集  
賢殿大學士宋庠用况為樞密使張昇為樞密  
副使丙午詔置學士一員編製創制造丁卯文正貢  
賦秋七月丙午詔置學士一員編製創制造丁卯文正貢  
視民田振恤被水官并癸巳以夔州路旱遣使安  
撫八月己亥朔日有食之己未王堯臣卒庚申彭  
仕義率眾降九月丙午議罷種茶法己丑契丹  
遣使來謝冬十月癸亥除河出坊郭三三軌合置  
錢十一月癸酉議成二員己丑置都水監罷北三司  
河渠司十一月己巳詔三司歲上天下稅賦之數  
三歲一會為議以開明月丁卯詔置使入及持符  
官職毋得任知州軍使無別者自官至正任  
者方得知是更州軍丁丑詔罷定州軍使進士高

第人息憂一限辰詔明年正月十日食官內旨丁亥是  
殿戒常席宴契丹使等作樂壬午宴樂四降  
京囚罪一等徒以下釋之是歲甚饑中下州北  
邊鎮蠻人來貢

四年春正月丙申朔日有食之用牲于社辛丑也  
正殿復常膳以自冬雨雪不止遣官分行京城  
賜孤窮老疾錢幾懸妻人位為糜粥濟飢士  
寅賜在京諸軍班緡錢頒嘉祐御令二月己  
巳罷推茶庚午廣南言交趾寇欽州三月以

命近臣同三司減定民間科率是月賜進士諸科  
及第出身三百三十九人夏四月丁卯詔孟冬大  
裕于太廟癸酉封柴氏後為崇義公給田十頃  
奉周室祀丙子復銀臺司封駁制癸未陳執中  
薨辛卯詔中外臣庶居室器用冠服妾媵有違  
常制必罰毋貸壬辰錄繫囚降罪一等徒以下  
釋之大震電兩雹五月戊戌詔兩制臣僚舊制  
不許詣執政私第所舉薦不得用為御史今除  
其法庚子詔內臣員多權罷進養子入內壬子  
遣官經界河北牧地餘募民種藝六月己巳群

嘉靖丙辰年

史記本已長篇十一

監生陽德家刊



臣請加尊號曰大仁至治表五上不許癸酉詔諸路  
經略安撫轉運使提點刑獄各舉本部官有行實  
政事者三人以備升擢嘗任兩府者許舉內外官  
丁丑詔轉運司比隣州饑而輒閉糶者以違制論  
辛卯放宮女二百十四人秋七月丁未放宮女二百  
三十六人八月乙亥策制舉人冬十月壬申朝饗  
景靈宮癸酉大裕于太廟大赦詔諸路監司察士  
有學行爲鄉里所推者同長吏以聞民父母年八  
十以上復其一丁復益州爲成都府并州爲太原  
府戊寅加恩百官十一月庚子汝南郡王允讓薨  
十二月丁丑白虹貫日是歲喃廝囉來貢

五年春正月辛卯朔白虹貫日太白犯歲星己亥  
錄劉繼元後二月壬戌錄繫囚三月壬辰詔禮部貢  
舉癸巳劉沆薨乙未歲星晝見壬子詔以蝗澇  
相仍敕轉運使提點刑獄督州縣振濟仍察不  
稱職者夏四月癸未程戡罷以孫抃爲樞密副  
使丙戌命近臣同三司議均稅五月戊子朔京師  
民疫選醫給藥以療之己丑京師地震丁酉詔  
三司置寬恤民力司己酉王安石召入爲三司度支  
判官丁巳錄繫囚降罪一等徒以下釋之六月乙丑

詔戒上封告訐人罪或言赦前事及言事官彈劾  
小過不關政體者乙亥遣官分行天下訪寬恤民  
力事秋七月癸巳邕州言交阯與甲峒蠻合兵寇  
邊都巡檢宋士堯拒戰死之詔發諸州兵討捕丙  
申詔待制臺諫官正刺史以上各舉諸司使至  
三班使臣堪將領及行陣戰鬪者三人戊戌翰林  
學士歐陽脩上新修唐書庚戌詔中下門下采  
端實之士明進諸朝辨激巧偽者放黜之八月壬  
申詔求逸書庚辰置陝西佑馬司乙酉罷諸路  
同提點刑獄使臣丙戌置江湖閩廣四川十一路轉  
運判官九月己丑太白書見冬十月乙酉深州  
言野蠶成繭被于原野十一月辛卯罷內臣  
寄遷法辛丑宋庠罷以曾公亮為樞密使張  
昇孫升為參知政事歐陽脩陳升之趙鼎為樞  
密副使十二月己卯蘇茂州蠻寇邕州辛巳補  
諸州父老百歲以上者十一人為州助教是歲大  
食國來貢

六年春正月乙未許兩制與臺諫相見二月丁  
巳詔宗室賜名授官者須年及十五方許轉官  
乙丑詔良民子弟或為人誘隸軍籍自今兩月

內父母訴官者...之內寅鑿繫囚降罪一等徒以  
下釋之三月巳亥富弼以母喪去位庚子以富弼  
母喪罷大宴戊申給西京周廟祭享器皿是月賜  
進士諸科及第同出身二百九十五人夏四月辛酉  
詔嶺南官吏死于儂賊而其家流落未能自歸者所  
在給食護送還鄉庚辰陳升之罷以包拯為樞密  
副使出諫官唐介趙抃御史范師道呂誨五月丙  
戌官諸路監道行義文學之士七人庚戌錄繫囚  
降罪一等徒以下釋之分命...  
子朔日有食之...  
子以司馬光知諫院入對戊寅以王安石知制誥

七月乙酉泗州淮水溢丙戌詔淮南江浙水災差官  
體量蠲稅戊子錄昭憲皇太后孝明孝惠孝章淑  
德皇后家子孫進秩授官者十有九人癸巳詔臺  
諫為耳目之官乃聽險陂之人興造飛語中傷  
善良非忠孝之行也中書門下其申啟有工務  
敦行實循而第改者繼之八月乙亥集制舉人  
丁丑詔諸路制舉之官亦以考其賢否比  
令有司詳定嚴制其各務...新書以稱朕意仍  
令考校轉運...刑課績院以新定條目施行戊

四百八十八  
寅詔州縣長吏有清白不擾而實惠及民者  
令本路監司保薦再任政巡尤異當加獎擢閏  
月乙酉復以成都府為劍南西川節度庚子以  
韓琦為昭文館大學士曾公亮同中書門下  
平章事集賢殿大學士張昇為樞密使辛丑  
以胡宿為樞密副使冬十月壬午定內侍磨勘法  
丙戌詔京西淮浙荆湖增置都同巡檢壬辰起復  
皇姪前右衛大將軍岳州團練使宗實為秦州  
防禦使知宗正寺辭以喪不拜十月己巳許夏  
來貢

戊寅許康州刺史李樞以己官封贈父母十二月丙  
戌復豐州庚寅命諸路總管集隨軍功過簿以  
備遷補是歲冬無冰占城國獻馴象安化州蠻  
七年春正月辛未復命皇姪宗實為秦州防禦  
使知宗正寺乙亥詔南郊以太祖配為定制改  
溫成皇后廟為祠殿二月己卯朔更江西鹽法  
詔開封府市地于四郊給錢瘞民之不能葬者癸  
未錄繫囚命官錄被水諸州繫囚三月辛亥詔禮  
部貢舉乙卯孫抃罷以趙鼎參知政事呂奎為樞

密副使甲子以旱罷大宴乙丑祈雨于西太一宮  
庚午謝雨壬申徐州彭城濠州鍾離地生麥十餘  
頃民皆取食夏四月壬午頒嘉祐編敕己丑夏國  
主諒祚進馬求賜書詔賜九經還其馬五月戊午  
太白晝見庚午包拯卒六月丙子朔歲星晝見秋  
七月戊申太白經天壬子詔季秋有事于明堂  
八月乙亥朔出明堂樂章肄于太常己卯詔以  
宗實為皇子癸未賜名曙丁亥奉安真宗御  
容于壽星觀庚子以立皇子告天地宗廟諸陵  
九月乙巳朔以皇子為齊州防禦使進封鉅鹿  
郡公己酉朝饗旦凡靈宮庚戌饗太廟辛亥大  
饗明堂奉真宗配大赦己未加恩百官冬十月  
乙亥皇子表辭所除官賜詔不允丙戌白虹貫  
日乙未太白晝見丙申詔內藏庫三司共出緡錢  
一百萬助糴天下出帑平倉十二月甲午德妃沈氏  
為貴妃賢妃苗氏為德妃丙申幸龍圖天章閣召  
群臣宗室觀祖宗御書又幸寶文閣為飛白書  
分賜從臣作觀書詩命韓琦等屬和遂宴群臣  
殿庚子再召從臣于天章閣觀瑞物復宴群臣殿  
是歲冬無冰占城來貢

三百八十八  
八年春正月辛亥交趾貢馴象亦二月癸未帝  
不豫甲申下德音減天下囚罪一等徒以下釋之  
丙戌中書樞密奏事于福寧殿之西閣三月戊申  
龐籍薨癸亥御內東門幄殿優賜諸軍緡錢甲子  
御延和殿賜進士諸科及第同出身三百四十一人  
平未帝崩于福寧殿遺制皇子即皇帝位皇  
后爲皇太后喪服以日易月山陵制度務從儉約  
謚曰神文聖武明孝皇帝廟號仁宗十月甲午葬  
永昭陵

禁廷或跪立殿下有司請以玉清舊地爲御苑帝  
曰吾奉先帝苑園猶以爲廣何以是爲無私常  
服澣濯帷帟衾裯多用繒絁宮中夜創思膳燒  
羊戒勿宣索恐膳夫自此戕賊物命以備不時之  
須大辟疑者皆令上讞歲常活千餘吏部選人  
坐失入死罪皆終身不遷每諭輔臣曰朕未嘗言  
人以死況敢濫用爵乎至於夏人犯邊禦之出境契  
丹諭盟增以歲幣帝在位四十二年之間吏治若媮惰  
而任事茂茂刻之入刑法似繁池而決獄多平允之士  
國未嘗無弊悖而不足以累治世之體朝未嘗無

字二百九十三  
小人而不足以勝善類之氣君臣上下惻隱之心忠  
厚之政有以培壅宋三百餘年之墓子孫一矯其所  
為馴致於亂傳曰為人君止於仁帝誠無愧焉

本紀卷第十二

本紀卷第十二

宋史十三

開禧司上備錄國事是表想 權國是領經年刻錄我時能奉  
勅修

英宗

英宗體乾應曆隆功威德憲文肅聖皇帝諱  
曙濮安懿王允讓第十二子母曰仙遊縣君任氏明  
道元年正月三日生於宣平坊第初三妻兩龍輿日  
並墮以象承之及帝生赤光滿室或見黃龍游光中  
四歲仁宗養於內寶元二年豫王生乃歸濮邸帝天  
性篤孝好讀書不為燕嬉樂慢服御儉素如儒者每

以朝服見教養曰誦也故帝為禮時吳王宮教吳元  
進宗室六為仁宗付宗正帝書之屏風以自戒景祐  
三年賜名宗實授左監門衛率府副率累遷右羽林  
軍大將軍宜州刺史自三祐二年為右衛大將軍每州  
團練使嘉祐中宰相韓琦等請建儲仁宗曰宗子已  
有賢知可付者卿等其勿憂時帝方服濮王喪六年  
十月辛卯起為秦州防禦使知宗正寺帝以終喪辭  
奏四上乃聽喪終復授前命又辭七年八月許罷宗  
正復為每州團練使戊寅立為皇子癸未改今名帝  
往喻旨即即內起帝以入甲辰見清君殿自是日再  
朝或入侍禁中九月遷齊州防禦使鉅鹿郡公八年  
仁宗崩夏四月壬申朔皇后傳遺詔命帝嗣皇帝位  
百官入哭盡哀韓琦宣遺制帝御東楹見百官奏西  
大赦賜百官爵一等優賞諸軍如乾興故事遣王道  
恭告哀于契丹帝欲亮陰三年命韓琦攝家宰堂臣  
不可乃止乙亥帝不豫遣韓琦等迎位于契丹丙  
子尊皇后曰皇太后巳卯詔請皇太后同聽政壬午  
皇太后御小殿垂簾堂臣覆奏事乙酉作受命寶丁  
亥以皇子右千牛衛將軍仲鍼為安州觀察使光國



四百令八十一  
公癸亥自七年八月庚辰不見命宰臣祈讓至是月  
巳丑見于東方庚子立京兆郡君高氏為皇后五月  
戊午以富弼為樞密使戊辰初御延和殿以疾未平  
命宰臣祈福于天地宗廟社稷及寺觀又禱于岳瀆  
名山六月辛卯契丹遣蕭福延等來祭弔秋七月壬  
子初御紫宸殿帝自六月癸酉不御殿至是始見百  
官癸亥歲星晝見乙丑星大小數有而流戊辰百官  
請大行皇帝謚于南郊八月癸巳以生日為壽聖節  
九月辛亥以光國公仲鍼為忠武軍節度使同中書  
門下平章事淮陽郡王及名爾戊午上仁宗送冊于  
福寧殿冬十月甲午葬仁宗于永昭陵十一月丙午  
祔于太廟大風霾已酉減東西二京罪囚一等免山  
陵役戶及靈駕所過民租辛亥契丹遣蕭素等來賀  
即位十二月己巳初御迺英閣召侍臣講讀經史乙  
亥淮陽郡王頊出閣是歲于闐西南蕃來貢  
治平元年春正月丁酉朔改元戊戌太白晝見己亥  
壽聖節百官及契丹使初上壽于紫宸殿甲寅賞知  
唐州趙尚寬修溝堰增戶口進一宮賜錢二十萬三  
月壬寅命修秦悼王冢置守護官戊午錄囚辛酉兩  
土夏四月癸未放宮女百三十五人甲午祈雨于相

國天清寺醴泉觀賜諸軍錢有差五月己亥濬二股  
河戊申皇太后還政庚戌初日御前後殿壬子詔皇  
太后稱聖旨出入儀衛如章獻太后故事其有所須  
內侍錄聖旨付有司覆奏即行丙辰上皇太后宮殿  
名曰慈壽己未癸亥犯太微上將壬戌以病愈命宰  
臣謝天地宗廟社稷及宮觀閏月戊辰輔臣進爵一  
等六月己亥以淮陽郡王頊為穎王祈國公頊為保  
寧軍節度使同中書門下平章事孟陽郡王鄂國公  
頊為左衛上將軍增宗室教授丁未增同知大宗正  
事一員辛亥作陸觀廣觀宅辛酉太白晝見壬戌歲

旱晝見八月甲辰錄周世宗後甲寅太白入太微垣  
乙卯遣兵部員外郎呂誨等四人充賀契丹太后生  
辰正旦使刑部郎中章岷等四人充賀契丹主生辰  
正旦使丙辰內侍都知任守忠坐不法貶保信軍節  
度副使蘄州安置丁巳以上供米三萬石振宿亳二  
州水災戶九月丁卯復武舉庚午詔夏國精擇使人  
戒勵毋紊彝章冬十月丙申詔中外近臣監司舉治  
行素著可備升擢者二人十一月乙亥科陝西戶三  
丁之一刺以為義勇軍凡十三萬八千四百六十五  
人各賜錢二千諫官司馬光累上疏諫之不允戊寅

復內侍養子令十二月乙巳兩土丙辰契丹遣耶律烈等來賀壽聖節蕭禧等來賀明年正旦是歲畿內宋亳陳許汝蔡唐穎曹濮濟單濠泗廬壽楚杭宣洪鄂施渝州光化高郵軍大水遣使行視疏治振恤蠲其賦租西蕃瞎躡子瞎欺米征內附

二年春正月甲戌振蔡州二月甲辰大風書冥丁未錄囚是月賜禮部奏名進士明經諸科及第出身三百六十一人三月己巳班明天曆夏四月戊戌詔議崇奉濮安懿王典禮辛丑詔監司知州歲薦吏母徒充數丙午奉安二宗御容于景靈宮丁未白氣起西

方五月癸亥詔以綜核名實勵臣下丙子詔自今皇子及宗室屬卑者勿授以檢校師傅官乙酉詔宗室封王者子孫襲爵六月壬辰錄囚巳酉詔尚書集三省御史臺議奉濮安懿王典禮甲寅罷尚書省集議令有司博求典故務在各經詔遣官與契丹定疆界秋七月癸亥富弼罷丙寅詔減乘輿服御丙子放宮女百八十人丁丑太白晝見巳卯群臣五上尊號不允庚辰張昇罷以文彥博為樞密使八月庚寅京師大雨水癸巳賜被水諸軍米遣官視軍民水死者千五百八十人賜其家緡錢葬祭其無主者乙未以兩災

詔責躬乞言初學士章詔曰執政大臣其惕思天變  
帝書其後曰兩災專以戒朕不德可更曰協德交脩  
己亥以水災罷開樂宴壬子以工部郎中蔡抗等充  
賀契丹生辰使侍御史趙鼎等充賀契丹正旦使乙  
卯減袞冕制度丙辰陝西置壯城兵九月壬戌雨罷  
大宴己巳以災異風俗策制舉人壬午太白犯南斗  
乙酉以久雨遣使祈于岳瀆名山大川冬十月乙巳  
雨木冰十一月庚午朝饗景靈宮辛未饗太廟壬申  
有事南郊大赦上皇太后册用皇后以齊州為興德  
軍節度辛巳加恩百官十二月辛亥太白書見是歲

蔣波繡雲龍賜等州來貢

三年春正月丙辰朔契丹遣使耶律仲達等來賀正  
旦戊午契丹遣使蕭惟輔等來賀壽聖節丙寅幸降  
聖院謁神御殿癸酉契丹改國號為遼己卯温州火  
燒民屋萬四千間死者五千人丁丑皇太后下書中  
書門下封濮安懿王宜如前代故事王夫人王氏韓  
氏任氏皇帝可稱親尊濮安懿王為皇夫人為后詔  
遵慈訓以瑩為園置守衛吏即園立廟俾王子孫主  
祠事如皇太后旨辛巳詔臣民避濮安懿王諱以王  
子宗懿為濮國公壬午黜御史呂誨范純仁呂大防

二月乙酉朔白虹貫日三月庚申彗星晨見于室辛酉黜諫官傅堯俞御史趙鼎趙瞻戊辰上親錄囚庚午以彗避正殿減膳辛未以黜呂誨等詔內外癸酉以災異責躬詔轉運使察獄訟調役利病大者以聞辛巳彗晨見于昴如太白長丈有五尺壬午孛于畢如月夏四月丙午詔有司察所部左道淫祀及賊殺善良不奉令者罪毋赦五月甲子罷知雜御史觀察使以上歲舉人乙丑彗至張而沒戊辰謂宰相曰朕欲與公等日論治道中書常務有定制者付有司行之六月己酉錄囚秋七月乙丑進濮王子孫及魯王

孫贛一等八月庚午遣傅卞等賀遼主生辰張師顏等賀正旦九月壬子朔日有食之癸亥定待制諫官朝官少卿郎中遷選歲月補員格庚辰禁妃嬪公主以下薦服蔬之去冬十月壬午朔以仙遊縣君任氏薨減為園乙酉詔兩日一御壺英閣丁亥詔禮部三歲一貢與甲午詔宰臣叅知政事舉才行士可試館職者各五八十一月戊午帝不豫禱于大慶殿己未宰相始奏事辛酉降天下囚死罪一等流以下釋之十一月乙未宰相祈于天地宗廟社稷壬寅立穎王頊為皇太子癸卯大赦賜文武官子為父後者勲一

轉運使請請等來賀正曰是歲遣使以違約  
數言其國涼州獻方物謝罪

四年春正月庚戌朔羣臣上尊號曰體乾應曆文武  
聖孝皇帝降天下囚罪一等其後以丁未風霾辛  
亥蠲京師逋餽錢丁巳帝崩于福寧殿壽三十六謚  
曰憲文肅武宣皇帝廟號英宗帝自居時親宅孝  
德著聞濮安懿一薨以所服玩物分諸子帝所得悉  
以與王府舊人既葬而辭去者宗室有假金帶而以  
銅帶歸主吏以呈帝曰真吾帶也受之命殿侍鬻南庫

帝直歲三十萬之二百亦不同初辭是子請禪王官

教後周孟陽作奏孟陽有所勸戒即謝而拜之奏十  
餘不允始就召戒舍人曰謹守吾舍上有道嗣吾歸  
矣既為白三子慎靜恭默無所獻為而天下陰知其有  
聖德即位每命近臣必以官而不以名大臣從容以  
為言帝曰朕雖官中命小臣亦未嘗以名也一日語  
神宗曰國家舊制五六天子有尚帝文皆升行以  
避舅姑之尊義甚無謂朕嘗思此寤寐不平豈可以  
富貴之故屈人倫長幼之序也司諫有司革之會疾  
不來神宗遂意焉

齊曰昔人有言天之所命人不能違信武英宗以明

字三百十三  
哲之資曆繼統之命執心固讓君將終身而卒踐帝  
位豈非天命乎及其臨政臣下有奏必問朝廷故事  
與古治所宜每有裁決皆出意旨意雖以疾疾不  
克大有所為然使百世之下欽仰高風詠歎至德何  
其盛也彼隋晉王廣唐魏三帝窺視神聖獨蒸奪嫡  
遂啓禍原誠何心哉誠何心哉

本紀卷第十三

本紀卷第十四

宋史十四

開禧國司桂國總領事官書  
丞相權國公領經筵事和綴於膝奉

殺修

### 神宗一

神宗紹天法古運德建功英文烈武欽仁聖孝皇帝  
諱項美宗長子母曰宣仁聖烈皇后高氏慶曆八年  
四月戊寅生于濮三宮祥光照室群鼠吐五色氣成  
雲八月賜名仲鍼授率府副率二遷至右千牛衛將  
軍嘉祐八年仲鍼入居慶寧宮嘗夢神人捧之登  
天英宗即位授安州觀察使封安國公是年五月壬

宋史十四

宋史十四

成受經于袁官... 龍顏動止皆有高慶而天性  
好學請間至日... 食莫宗常遣內侍... 帝正衣  
冠拱手雖大暑亦嘗用扇侍講王陶入侍帝... 第額  
拜之九月加忠武軍節度使同中書門下平章事封  
淮陽郡王改今諱... 平元年六月進封... 王三年三  
月納故相向敏中孫女為夫人十月莫宗不豫帝引  
仁宗故事請兩日一御... 閣講讀以安人心十二  
月一寅立為皇太子四年正月丁巳莫朝崩帝即皇  
帝位戊午赦天下常赦所不原者遣馮行已告哀于

皇太子未尊皇太后曰太皇太后皇太后曰皇太后命辛

相韓琦為山陵使辛酉遣孫坦等告即位于遼以大  
行皇帝詔賜夏國主及西蕃... 唃廝囉丙寅群臣表三  
上始御迎陽門帳殿聽政內... 醫侍先帝疾者皆坐不  
謹貶之詔東平郡王允弼... 襄陽郡王允良朝朔望以  
兵卒終喪復授樞密副使... 長以韓琦守司空兼侍  
中曾公亮行門下侍郎兼... 吏部尚書進封英國公文  
彥博行尚書左僕射檢校... 司徒兼中書令富弼改武  
寧軍節度使進封鄭國公... 曾公亮改昭慶軍節度使檢  
校太傅張昇改河陽一城... 節度使宗諤同中書門下  
平章事改集慶軍節度使... 檢校尚書左僕射歐陽脩



四日合八

趙稟並加尚書左丞仍參知政事陳計之為戶部侍郎  
即呂公弼為刑部侍郎知制誥呂良並加守太保弟東  
陽郡王顥進封昌王鄂國公顥進封樂安郡王群臣  
進秩有差二月乙酉初御紫宸殿立向氏為皇后丁  
亥詔入內侍省皇城司合覆奏事並執條覆奏戊  
子進封交趾郡王季日尊為南平王加邈川首領董  
禮檢校太保詔山陵所酒應委三司轉運司計置毋  
輕擾民詔提舉醫官院試堪診御脉者六人庚寅以  
四月十日為同天節辛卯白虹貫日壬辰詔公主下

人誘蕃部三百餘帳投夏國捕獲斬之以徇三月壬

子曹佺加檢校太尉兼侍中賜禮部進士及第出身  
四百六十一人甲寅陝西宣撫使郭達討蕃部党令  
征等平之賜昌王顥公使錢歲萬緡半給之丙辰昌  
王顥樂安郡王顥乞解官行服不許癸亥詔入內內  
侍省官已經壽聖節任子者同天節權罷奏薦壬申  
歐陽脩知亳州癸酉吳奎參知政事罷乙亥允良薨  
閏月癸未太白晝見甲申夏國主諒祚遣使謝罪辛  
卯詔齊密登華郊擢鄜絳潤婺海宿饒歙吉建汀潮  
等十八州知州慶渭秦延四州通判其選並從中書

嘉靖丙辰年 宋史本紀卷一百一 監生王

母以恩例奏授乙未張昇以太子太師致仕庚子詔  
求直言御史中丞王陶乞許舉知縣資序人為御史  
裏行從之癸卯王安石出知江寧府甲辰詔諸路帥  
臣及副總管或有移身依慶曆故事乙巳詔以孟夏  
農勞之時令監司戒飭州縣省事勸民力田民有艱  
食者振之夏四月庚戌請大行皇帝謚于南郊辛酉  
詔內外所上封事令張方平司馬光詳定以聞丙寅  
錄囚御史中丞王陶侍御史吳申呂景以過毀大臣  
陶出陳州申景各罰銅二十斤吳奎罷知青州遣使  
循行陝西河北京東京西路體量安撫壬申奎復位

罷州郡歲貢飲食果藥癸酉詔陝西河東經畧轉運  
司察主兵臣僚怯懦老病者以聞五月辛巳以久旱  
命宰臣禱雨乙巳寶文閣成置學士直學待制官六  
月巳酉遼遣蕭餘慶等來弔祭巳未振河北流民辛  
未詔天下官吏有能知徃役利病可議寬減者以聞  
乙亥詔中書樞密細務歸之有司秋七月庚辰詔察  
富民與妃嬪家昏因資緣得官者甲申石蕃來貢巳  
丑命尚書戶部郎中趙抃刑部郎中陳薦同詳定中  
外封事辛卯告英宗憲文肅武宣孝皇帝謚于天地  
宗廟社稷壬辰上寶冊于福寧殿丙午文州曲水縣

令宇文之邵上書指陳得失八月丁未朔太白書見  
戊午復西夏和市己巳京師地震癸酉葬英宗于永  
厚陵九月丁丑詔減諸路逃田稅額壬午祧僖祖及  
文懿皇后乙酉祔英宗神主于大廟樂曰大英之舞  
戊子減兩京畿內鄭孟州囚罪一等民役山陵者蠲  
其賦辛卯徙封顥為岐王頊為高密郡王富弼為尚  
書左僕射遣孫思恭等報謝于遼且賀生辰正旦壬  
辰錄周世宗從曾孫貽廓為三班奉職甲午遼遣耶  
律好謀等來賀即位戊戌以王安石為翰林學士辛  
丑韓琦罷為司徒鎮安武勝軍節度使判相州吳奎

陳升之罷樞密副使呂公弼為樞密使張方平趙鼎  
並參知政事邵亢為樞密副使壬寅以曾公亮為尚  
書左僕射文彥博為司空潮州地震癸卯以權御史  
中丞司馬光為翰林學士冬十月丙午漳泉諸州地  
震丁未富弼罷判河陽戊申建州邵武興化軍地震  
己酉初御邇英閣召侍臣講讀經史以右諫議大夫  
權御史中丞滕甫考諸路監司課績張方平以父憂  
去位庚戌給陝西轉運司度僧牒令糴穀振霜旱州  
縣癸丑詔翰林學士御史中丞侍御史知雜事舉材  
堪御史者各二人詔將作監主簿常秩赴闕甲寅製

資治通鑑序賜司馬光及西知青澗城种諤復綏州  
十一月丁丑詔近臣各舉才行可任使者一人戊寅  
詔求直言丙戌詔二府各舉所知丁亥令考課院詳  
定諸刑所上縣令治狀戊子分命宰臣祈雪置馬監  
于河東交城縣庚寅詔近臣以舉官不當經三劾者  
中書別奏取旨乙未詔令内外文武官各舉有材德  
行能者十二月丙辰西南龍蕃來貢辛酉以來歲日  
食正旦自乙丑避殿減膳罷朝賀三戌詔起今日增  
轉對官二人丙寅詔州縣吏並緣為吏致獄多瘐死  
等來賀正旦

熙寧元年春正月甲戌朔日有食之詔改元丁丑以  
旱減天下囚罪一等杖以下釋之壬午令州縣掩蒸  
骸丁亥命宰臣曾公亮等極言闕失癸寅御殿復膳  
壬辰幸寺觀祈雨丙申趙鼎罷知徐州三司使唐介  
參知政事丁酉詔修英宗實錄壬寅增太學生百人  
二月辛亥令諸路每季上雨雪乙卯孔若蒙襲封衍  
聖公壬戌貸河東饑民粟三月庚辰夏全諒祚卒遣  
使來告哀丙戌詔恤刑戊子作太皇太后慶壽宮皇  
太后寶慈宮丁酉簡州木連理潭州雨毛夏四月乙

四百八十一  
己詔翰林學士三石越次入對戊申命宰臣禱雨  
以樞密直學士李參為尚書右丞判西京留守司御  
史臺辛亥同天節群臣及遼使初上壽于紫宸殿五  
月甲戌募饑民補廂軍庚辰詔兩制及國子監舉諸  
王宮學官戊戌廢慶成軍六月癸卯錄唐魏徵狄仁  
傑後丁未占城來貢辛亥詔諸路興水利乙亥河決  
棗陽縣丙寅命司馬光滕甫裁定國用秋七月癸酉  
詔謀殺已傷案問欲舉自首者從謀殺減二等乙亥  
名秦州新築大甘谷口砦曰甘谷城丁丑詔諸路帥

使臣二名賜布衣王安國進士及第己卯群臣三表  
請上奉元憲道文武仁孝之號不許陳升之知樞密  
院事給濮州雷澤縣堯陵守戶壬午以恩冀州河決  
賜水死家緡錢及下戶粟甲申京師地震乙酉又震  
大雨辛卯以河朔地大震命沿邊安撫司及雄州刺  
史候遼人動息以聞賜壓死者緡錢京師地再震壬  
辰遣御史中丞滕甫知制誥吳充安撫河北癸巳疏  
深州溢水甲午減河北路囚罪一等丁酉賜河北安  
撫司空名誥敕募民入粟己亥回鶻來貢八月壬寅  
詔京東西路存恤河北流民京師地震甲辰又震乙

嘉清丙辰年  
天之本  
蓋生汪宗堯刊

卯賜河東及鄜延路轉運司空名誥敕募民入粟實  
邊甲子詔中書門下考屬近行尊者一人王之丙寅  
罷宗諤平章事丁卯遣張宗益等賀遼主生辰正旦  
九月辛未太祖曾孫舒國公從式進封安定郡王丁  
亥減后妃臣僚薦奏推恩戊子莫州地震有聲如雷  
丁酉詔三司裁定宗室月料嫁娶生日郊禮給賜冬  
十月辛丑給天下繫囚衣食薪炭乙卯出奉宸庫珠  
付河北買馬戊辰禁銷金服飾十一月癸酉太白晝  
見癸未命宰臣禱雪丙戌朝饗太廟遂齋于郊宮廢  
青城後苑丁亥祀天地于圜丘大赦群臣進秩有差

乙未京師及莫州地震十二月己亥朔命宰臣禱雪  
癸卯瀛州地大震庚戌賜夏國主秉常詔許納塞門  
安遠二砦歸其綏州辛亥錄唐段秀實後癸丑禱雪  
于郊廟社稷庚申以判汝州富弼為集禧觀使詔乘  
驛赴闕壬戌雪甲子遼遣耶律公質等來賀正旦  
二年春正月甲午奉安英宗神御于景靈宮英德殿  
月己亥以富弼同中書門下平章事庚子以王安石  
叅知政事命翰林學士呂公著修英宗實錄乙巳帝  
以災變避正殿減膳徹樂甲子陳升之王安石創置  
三司條例議行新法三月乙酉詔漕運鹽鐵等官各  
嘉靖丙辰年

具財用利害以聞丙戌命宰臣禱雨戊子秉常上誓  
表納塞門安遠二砦乞綏州詔許之乙未以旱慮囚  
四月丁酉朔群臣再上尊號不許戊戌省内外土木  
工壬寅遼遣耶律昌等來賀同天節丁未唐介薨臨  
其喪戊申宰臣富弼曾公亮以早上表待罪詔不允  
癸丑命曾公亮為西京奉安仁宗英宗御容禮儀使  
丁巳遣使諸路察農田水利賦役戊午外任大使臣  
年七十以上令監司體量直除致仕者更不與子孫  
推恩甲子御殿復膳免河北歸業流民夏統五月辛  
未宴紫宸殿初用樂已卯賜河北役兵特支錢癸未

翰林學士鄭獬罷知杭州宣徽北院使王拱辰罷判  
應天府知制誥錢公輔罷知江寧府丁亥奉安仁宗  
英宗御容于會聖宮及應天院甲午減西京囚罪一  
等台州民延贊等九人年各百歲以上並授本州助  
教六月丁巳右諫議大夫御史中丞呂誨以論王安  
石罷知鄧州以翰林學士呂公著為御史中丞命龍  
圖閣直學士張栻兼編排錄用勲臣子孫壬戌太白  
書見秋七月乙丑朔日當食雲陰不見庚午詔御史  
中丞舉推直官及可無權御史者甲戌東平郡王允  
弼薨辛巳立淮浙江湖六路均輸法壬午振恤被水

州軍仍蠲竹木稅及酒課癸未詔自今文臣換右職者須實有謀勇曾著績効即得取旨甲申日下有五色雲巳丑韓琦上仁宗實錄曾公亮上英宗實錄八月癸卯侍御史劉琦貶監處州鹽酒務御史裏行錢顛貶監衢州鹽稅亦以論安石故乙巳殿中侍御史孫昌齡以論新法貶通判蘄州丙午同脩起居注范純仁以言事多忤安石罷同知諫院戊申河徙東行夏國請從舊蕃儀詔許之巳酉范純仁知河中府甲寅朝神御殿辛酉以秘書省著作佐郎程顥王子韶並為太子中允權監察御史裏行壬戌侍御史知雜事劉述同判刑部丁諷坐受刑名敕不即下述貶知江州諷貶通判復州審刑院詳議官王師元坐言許遵所議刑名不當貶監安州稅九月甲子朔交州來貢乙丑以古勿峒効順首領儂智會為右千牛衛大將軍丁卯立常平給欵法戊辰出內庫緡錢百萬糴河北常平粟丁丑遣孫固等賀遼主生辰正旦辛卯廢奉慈廟壬辰以秘書省著作佐郎呂惠卿為太子中允崇政殿說書冬十月丙申富弼罷為武寧軍節度使判亳州曾公亮陳升之並同中書門下平章事城紱州命郭逵選將置守具逵遣趙高交夏人所納



安遠塞門二砦就定地界夏人渝初盟尚請城綏州  
不以易二砦因改名綏德城戊戌以蕃官禮賓使折  
繼世為忠州刺使左監門衛將軍嵬名山為供備庫  
使仍賜姓名趙懷順丙辰詔御史請對並許直由閣  
門上殿戊午宗諤復平章事己未夏人來謝封冊辛  
酉錄楊承信曾孫立田重進曾孫章為三班借職十  
一月乙丑命韓絳制置三司條例甲戌詔祖宗之後  
世襲補外官非袒免親罷賜名授官丙子罷諸路提  
刑武臣須農田水利約束壬午御邇英閣聽講賜汴  
口役兵錢乙丑減天下囚罪一等徒以下釋之閏月  
庚子濬御河壬子置交子務是月差官提舉諸路常  
平廣惠倉兼管勾農田水利差役事十二月癸亥朔  
復減后妃公主及臣僚推恩癸酉增失入死罪法丙  
戌增三京留司御史臺國子監及宮觀官以慶卿監  
監司知州之老者戊子遼遣蕭惟禧來賀正旦是歲  
交州來貢

本紀卷第十四

嘉靖丙辰年

宋史本紀卷第十四

十一

監生蔣承恩刊

Table with multiple vertical columns, mostly blank.

本紀卷第十五

宋史十五

開府儀同三司... 勅修

神宗二

三年春正月癸丑錄唐李氏周柴氏後乙卯詔諸路... 光祿大夫檢校...



廟丙戌知諫院胡宗愈貶通判真州秋七月辛卯歐陽脩徙知蔡州壬辰呂公弼罷樞密使以知太原府馮京為樞密副使置潞州交子務戊戌兩電奏三詳定宗室襲封制度甲寅置三班院主簿八月戊午罷看詳銀臺司文字丙寅以旱慮囚死罪以下遞減一等杖笞者釋之以衛州旱令轉運司振恤仍蠲租賦戊寅詔川峽福建廣南七路官令轉運司立格就注具為令遣張景憲等賀遼主生辰三日己卯夏人犯大順城知慶州李復圭以方略授四州慶略鈐轄李

言慶州東路都巡檢劉甫監押神詠山戰兵少果敢

復圭誣信等違其節制斬信及劉甫种詠死於獄是月慶州巡檢姚兕敗夏人於荔原堡鈐轄郭慶都監高敏死之九月戊子朔中書置檢正官乙未韓絳罷為陝西宣撫使己亥始試法官庚子曾公亮罷為司空兼侍中河陽三城節度使辛丑以馮京參知政事翰林學士吳克為樞密副使乙巳親策賢良方正及武舉壬子太白晝見癸丑作東西府以居執政司馬光罷知永興軍詔環慶陣亡義勇餘丁當刺者悉免之冬十月辛酉詔延州毋納夏使甲子兩木冰壬申朝謁神御殿丙子知慶州李復圭擅興兵敗績誣裨

將李信劉甫种詠以死御史劾之貶保靜軍節度副  
使戊寅陳升之以母憂去位乙酉詔罷諸場務內侍  
監當十一月戊子振河北饑民徙京西者已丑官節  
行之士二十一人壬辰蠲陝西蕃部貸糧癸卯授布  
衣王存下班殿侍三班差使宣撫司指揮使甲辰夏  
人寇大順城都監燕達等擊走之庚戌詔升朝官除  
南郊赦封贈父母外不得以加恩轉官乙卯以韓絳  
兼河東宣撫使梓州路轉運使韓琦等以能興利除  
害賜帛有差十二月己未詔立諸路更戍法舊以他  
路兵雜戍者遣還乙丑立保甲法丁卯以韓絳王安

石並同中書門下平章事王珪參知政事賜布衣陳  
知彥進士出身知縣王輔同進士出身庚午夏人寇  
鎮戎軍三川砦巡檢趙普伏兵邀擊敗之丁丑增廣  
南攝官奉戊寅初行免役法賜西蕃董璪詔并衣帶  
鞍馬庚辰命王安石提舉編修三司令式壬午遼遣  
蕭遵道等來賀正旦癸未命宋敏求詳定命官使臣  
過犯是歲振河北陝西旱饑除民租交阡入貢廣源  
下溪州蠻來附

四年春正月丁亥朔不視朝己丑种諤襲夏兵于囉  
兀北大敗之遂城囉兀自是夏人日聚兵為報復計

言者以諤為稔邊患不便壬辰王安石請鬻天下廣  
惠倉田為三路及京東常平倉本從之乙未渝州夷  
賊李光吉叛巡檢李宗閔等戰死命夔州路轉運使  
孫構討平之詔詳定大辟覆讞法丁酉朝謁太祖太  
宗神御殿庚子幸集禧觀宴從臣又幸大相國寺御  
宣德門觀燈韓絳等言种諤領兵入西界斬獲甚衆  
詔遣使撫問乙巳停枯牧地丁未立京東河北賊盜  
重法庚戌罷永興軍買鹽鈔場甲寅定文德殿朔望  
視朝儀二月丁巳朔罷詩賦及明經諸科以經義論  
策試進士置京東西陝西河東河北路學官使之教

導辛酉詔治吏沮青苗法者戊辰詔振河北民乏食  
者賻恤西界戰死軍人庚午于闐國來貢壬申進封  
高密郡王頽為嘉王癸酉詔審宮院所定人赴中書  
察堪任者引見甲戌賜討渝州夷賊兵特支錢丁丑  
禱雨詔增漳河等役兵三月丁亥夏人陷撫寧堡戊  
子慶州廣銳卒叛尋討平之庚寅詔給諸路學田增  
教官員辛卯遣使察奉行新法不職者癸卯減河東  
陝西路囚罪一等徒以下釋之民緣軍事科役者蠲  
其租賦丙午种諤坐陷撫寧堡責授汝州團練使潭  
州安置丁未韓絳坐興師敗衄罷以本官知鄧州辛

亥錄唐李氏後夏四月丙辰朔恤刑辛酉遼遣蕭廣  
等來賀同天節壬戌遣環慶都鈐轄玘贊以兵屯邠  
涇河中以備西夏癸亥罷陝西交子法癸酉司馬光  
權判西京留臺种諤再貶賀州別駕甲戌詔司農寺  
月進諸路所上雨雪狀丙子遣使按視宿亳等州災傷  
仍令修飭武備壬午定進士考轉官五月甲午右諫  
議大夫呂晦卒壬寅詔許富弼養疾西京丙午高麗  
國來貢辛亥詔宗室率府副率以上遭父母喪及嫡  
孫承重並解官行服壬子詔恩冀等州災傷遣使振  
恤蠲其稅六月丁巳河北饑民為盜者減死刺配與

申群臣三上尊號曰紹天法古文武仁孝皇帝不許  
甲子歐陽修以太子少師致仕丙寅慮囚甲戌富弼  
坐格青苗法徙判汝州秋七月戊子層檀國來貢甲  
午振恤兩浙水災乙未錄死事將校崔達子遇為三  
班奉職丁酉監察御史裏行劉摯罷監衡州鹽倉御  
史中丞楊繪貶知鄭州庚子詔宗室不得祀祖宗神  
御丁未詔唐鄧給流民田八月癸丑朔高麗來貢遣  
官體量陝西差役新法及民間利害甲寅詔郡縣保  
甲與賊鬪死傷者給錢有差庚申復春秋三傳明經  
取士癸酉遣楚建中等賀遼主生辰正旦置洮河安

嘉靖丙辰年

宋史本紀卷五

監生顧養利

撫司命王韶主之九月丙戌河決鄆州辛卯大饗明  
堂以英宗配赦天下內外官進秩有差庚子夏人入  
貢癸卯增選人奉冬十月壬子朔罷差役法使民出  
錢募役立選人及任子出官試法丙辰置樞密院檢  
詳官戊辰立太學生內外上舍法丙子詔罪人配流  
遇冬者至中春乃遣十一月壬午朔詔凡賞功罰罪  
事可懲勸者月頒之天下甲申詔蠲逋租丁亥作中  
太一宮壬寅開洪澤河達于淮十二月辛亥朔詔增  
賜國子監錢四千緡戊午歸夏俘己未安定郡王從  
式薨甲子封越國公世清為會稽郡王丙寅省諸路  
使軍乙亥崇義公世清致仕子若訥襲封丙子薨  
遣耶律紀等來賀正日

五年春正月己丑詔聽降羌歸國己亥詔太廟時饗  
以宗室使相已上攝事置京城邏卒察謗議時政者  
收罪之二月壬子龜茲來貢以兩浙水賜穀十萬石  
振之仍募民興水利壬戌詔罷陝西通運銅錫賀亥  
太白晝見丙寅以知鄭州呂公弼為宣徽南院使判  
秦州龍圖閣直學士蔡挺為樞密副使三月甲午李  
日尊奉子乾德嗣遣使弔贈戊戌富弼以司空致仕  
進封韓國公立文武換官法丙午以內藏庫錢置市



易務夏四月庚戌朔立殿前馬步軍春秋校試殿景  
法乙卯遷遣耶律適等來賀同天節己未括閑田置  
弓箭手辛未塞北京決河五月辛巳詔以古渭岩為  
安遠軍命王韶兼知軍行教關法宗室非袒免親者  
許應舉庚寅以青唐大首領俞龍珂為西頭供奉官  
賜姓名包順壬辰以趙尚寬等前守唐州辟田疏水  
有功增秩以勸天下丙午太白晝見行保馬法六月  
壬子曾公亮以太傅致仕癸亥詔以四場試進士丙  
寅作京城門銅魚符乙亥置武學秋七月壬寅初以

察訪荆湖北路詔入內供奉官以下已有養子更養  
次子為內侍者斬八月甲申太子少師致仕歐陽修  
薨秦鳳路沿邊安撫王韶復武勝軍丁亥詔求歐陽  
修所撰五代史壬辰以武勝軍為鎮洮軍癸巳遣崔  
台符等賀遼主生辰正旦入未詔侍從及諸路監司  
各舉有才行者一人甲辰王韶破水征于鞏令城頌  
方田均稅法九月癸丑許宗室試換文資癸亥始御  
便殿考校諸軍武技○寅少華山崩詔壓死者賜錢  
貧者官為葬○淮南分東西路冬十月戊戌升鎮洮  
軍為熙州鎮洮軍節度置熙州路咸秦鳳囚罪一等

十一月癸丑河州首領賧藥等來降以為內殿崇班  
 賜姓名包約丁卯賧藥等察御史裏行張英監荆南  
 稅壬申分陝西為永興秦鳳路仍置六路經略司章  
 惇開梅山置安化縣十二月丙子赦亡命荆湖溪洞  
 者丁丑詔太原置弓箭手戊寅詔寺觀奉聖祖及祖  
 宗陵寢神御者免役錢改温成廟為祠壬午陳升之  
 為樞密使癸未兩土乙未築熙州南北關及諸堡砦  
 己亥遼遣蕭翰等來賀正旦

六年春正月辛亥復禧祖為太廟始祖以配感生帝  
 此項祖于夾室二月辛卯夏人寇秦州肅州巡檢使劉

惟吉敗之丙申永昌陵上宮東門火王韶復河州獲

亦征妻子壬寅以韓絳知大冬府三月己酉詔贈熙

河死事將田瓊禮賓使錄其子三人孫一人庚戌親

策進士置經筵命王安石提舉辛亥試明經諸科丙

辰以四月朔日當食自丁巳避殿減膳降天下囚罪

一等流以下釋之己未置諸路學官壬戌賜奏名進

士諸科及第出身五百九十六人甲子交州來貢丁

卯宰相上表請復膳不許詔進士諸科並試明法注

官戊辰置刑獄檢法官庚午封李日尊子乾德為交

趾郡王夏四月甲戌朔日食不見乙亥御殿復膳西

商龍蕃諸夷來貢置律學丁丑遣耶律益等來賀  
同天節甲午定齊徐等州保甲戊戌裁定在京吏祿  
五月癸卯朔播州楊貴遷遣子光震來貢以光震為  
三班奉職戊申禱雨乙丑詔京東路察士人有行義  
者以聞遠中書檢正官熊本措置瀘夷西京左藏庫  
副使景思忠等攻燒遂州夷國戰歿錄其子昌符等  
七人軍士死者賜其家錢館差辛未西南龍蕃來貢  
六月己亥置軍器監秋七月乙巳詔京西淮南兩浙  
江西荆湖等六路各置鑄錢監丙午大食陀婆離來  
貢貢在丙申更錄在丙申丙申罪以下降一等杖罪  
釋之丁巳詔沿邊吏殺熟戶以邀賞者戮之乙丑分  
河北為京西路丙寅夜西北有聲如磬八月壬申朔  
遣再昌衡等賀遼主生辰正旦甲申罷簡州歲貢綿  
紬甲午賜熙河湟原軍士特交錢戊戌復北間族黨  
之法九月壬寅置兩浙和糴倉立歛散法戊申詔興  
水利辛亥策武舉戊午岷州首領本令征以其城降  
王韶入岷州丙寅太白犯斗戊辰詔禱雨決獄冬十  
月辛未章惇平懿洽州蠻辛巳以復熙河流岷疊宕  
等州御紫宸殿受群臣賀解用服玉帶賜安石甲申  
朝獻景靈宮丙戌振兩浙江淮饑壬辰行折二錢丁

宋史十五

卷一百一十五

四百一十一  
西饑熙河戰骨十一月癸丑中太一宮成減天下  
囚罪一等流以下釋之乙卯親祀太一宮丙寅大雪  
詔京畿收養老弱凍餒者十一月戊子詔決開封府  
囚丙申遼遣耶律洞等來賀正旦

七年春正月辛亥賞復岷洮等州功西京左藏庫使  
桑湜等遷官有差壬子幸中太一宮宴從臣又幸大  
相國寺御宣德門觀燈乙卯封皇子俊為永國公甲  
子熊本平瀘夷二月辛未于闐來貢常平米振河  
陽饑民癸未詔三司歲會天下財用出入之數以聞


乙未知河州景思立等與青宜結鬼章戰于踏白城  
敗死廢遼州三月壬寅本征鬼章寇岷州高遵裕遣  
包順等擊走之慮囚減死罪一等杖以下釋之癸卯  
以旱避殿減膳乙巳白虹貫日丙午遣使分行諸路  
募武士赴熙河庚戌詔熙河死事者家給錢有差罷  
兩浙增額預置紬絹令諸路監司察留獄癸丑群臣  
表請復膳不許丙辰遼遣林牙蕭禧來言河東疆界  
命太常少卿劉忱議之己未行方田法甲子遣使報  
聘于遼乙丑詔以災異求直言夏四月癸酉以旱罷  
方田是日兩遼遣耶律永寧等來賀同天節乙亥王

宋史本紀卷第五十一  
韶破西蕃於結河川丙子御殿復膳己卯以高遵裕  
為岷州團練使甲申詔邊兵死事無子孫者廩其親  
屬終身乙酉王韶進築珂諾城與蕃兵連戰破之斬  
首七千餘級焚三萬餘帳木征率酋長八十餘人詣  
軍門降雨雹丙戌王安石罷知江寧府以韓絳同中  
書門下平章事監修國史翰林學士呂惠卿參知政  
事置沅州丁酉詔王韶發木征及其家赴闕遼遣樞  
密副使蕭素議疆界于代州境上五月戊戌朔減熙  
河路囚罪一等流以下釋之辛丑詔河州瘞蕃部暴  
虐壬寅雨雹癸卯大雨雹辛亥罷賢良方正等科乙

丑大雨水壤陝平陸二縣六月戊寅賜討洮州將士  
特支錢丁亥作渾儀浮漏廣州鳳凰見以木征為榮  
州團練使賜姓名趙思忠秋七月癸卯群臣五上尊  
號曰紹天憲古文武仁孝皇帝不許癸亥詔河北兩  
路捕蝗又詔開封淮南提點提舉司檢覆蝗旱以米  
十五萬石賑河北西路災傷八月丁丑賜環慶安撫  
司度僧牒以募粟振漢蕃饑民遣張芻等賀遼主生  
辰正旦辛卯詔免淮南開封府來年春夫除放邢洛  
等州秋稅癸巳置塲於南薰安上門給流民米集賢  
院學士宋敏求上編修閣門儀制九月戊戌以時雨

降詔河北京西陝西淮南等路勸民趨耕有因事拘  
繫者釋之壬子三司火癸丑置京畿河北京東西路  
三十七將甲寅詔樞密院議邊防冬十月壬申詔韓  
琦富弼文彥博曾公亮條代北事宜以聞戊寅詔浙  
西路提舉司出米振常潤州饑庚辰置三司會計司  
以韓絳提舉辛巳以河北災傷減州軍文武官員癸  
巳以常平米於淮南西路易饑民所掘蝗種又振河  
北東路流民十一月己未祀天地于圜丘赦天下十  
二月丙寅省熙河岷三州官百四十一員丁卯文武  
官加恩己丑遼遣耶律寧等來賀正且是歲高麗入  
貢清井長寧夷十郡及武都夷內附

八年春正月庚子蔡挺罷判南京留司御史臺馮京  
罷知亳州丙午分京東為東西路輟江南東路上供  
米均給災傷州軍丁未御宣德門觀燈乙卯詔出使  
廷臣所至采吏治能否以聞丙午水戊午詔所在流  
民願歸業者州縣齎遣之己未洮西安撫司以歲旱  
請為粥以食羸戶饑者二月甲子增陝西錢監改鑄  
大錢癸酉以王安石同中書門下平章事戊寅詔樞  
密副都承旨張誠一等以李靖營陣法教殿前馬步  
軍乙酉物行河北戶馬法丙戌停京畿土功七年三



月丁酉振潤州饑戍戍知河州鮮于師中乞置蕃學  
 教蕃酋子弟賜田十頃歲給錢千緡增解進士二人  
 從之庚子遼蕭禧再來遣韓縝往河東會議癸丑知  
 制誥沈括報聘復振常潤饑民戊午太白晝見夏四  
 月乙丑詔減將作監冗官丁卯遼遣耶律景熙等來  
 賀同天節乙亥正僖祖禘祫東嚮位戊寅以吳充為  
 樞密使壬午湖南江水溢閏月乙未陳升之罷為鎮  
 江軍節度使判揚州廣源州劉紀冠邕州歸化州儂  
 智會敗之壬寅沈括上奉元曆癸卯以宣徽北院使  
 張方平判永興軍分秦鳳路兵為四將壬子沂州民  
 朱唐告前餘姚縣主簿李逢謀反辭連右羽林大將  
 軍世居及河中府觀察推官徐革命御史中丞鄧綰  
 知諫院范百祿御史徐禧雜治之獄具世居賜死逢  
 革等伏誅甲寅錄趙普後乙卯詔西南蕃五姓蠻五  
 年一入貢五月辛酉朔慮囚降死罪一等杖以下釋  
 之甲子分環慶兵為四將丁丑兩土及黃毛甲申熙  
 河路蕃官殿直頊埋謀叛伏誅己丑遣使振鄜延環  
 慶饑六月乙未日上有五色雲丙午醜汴水入蔡河  
 以通漕己酉頒王安石詩書周禮義于學官辛亥以  
 安石為尚書左僕射兼門下侍郎戊午太師魏國公

嘉靖丙辰年

卷之五十五

監生

韓琦薨己未以琦配饗英宗廟庭秋七月甲子處州  
江水溢戊寅太白晝見戊子分涇原兵為五將命韓  
縝如河東割地八月庚寅朔日當食雲陰不見癸巳  
募民捕蝗易粟苗損者償之仍復其賦丙申遣謝景  
溫等賀遼主生辰正旦減官戶役錢之半詔發運司  
體實淮南江東兩浙米賈州縣所存上供米毋過百  
萬石減直予民斗錢勿過八十庚戌韓絳罷發河北  
京東兵及監牧卒修都城丁巳大閱九月庚申朔王  
安石兼修國史立武舉絕倫法冬十月庚寅呂惠卿  
罷知陳州乙未彗出軫巳亥詔以災異數見不御前  
殿減常膳求直言壬寅赦天下罷手實法丁未彗不  
見丙辰御殿復膳十一月戊寅交趾陷欽州壬午立  
陝西蕃丁法甲申交趾陷廉州丙戌渝州改南平軍  
十二月丙申濬河壬寅以翰林學士元絳參知政事  
龍圖閣直學士曾孝寬簽書樞密院事辛亥天章閣  
待制趙高為安南道招討使嘉州防禦使李憲副之  
以討交趾癸丑遼遣耶律世通等來賀正旦甲寅熙  
河路木宗域首領結慮謀叛熟羌日脚族青厮扒斬  
其首來獻補下班殿侍

九年春正月乙丑雨木冰戊辰交趾陷邕州知州蘇

監生劉夢雷刊



緘死之已卯下溪州刺史彭師晏及天賜州降庚辰  
遣使祭南嶽南海台以南伐辛巳贈蘇緘奉國軍節  
度使謚忠勇以其子子元為西頭供奉官閣門祇候  
月戊子宣徽南院使郭達為安南道招討使罷李憲  
以趙嵩副之詔占城占臘合擊交趾已丑宗哥首領  
鬼章寇五年谷蕃官蘭羶訥支等邀擊大破之己亥  
以出師罷春宴乙卯雨雹三月丙辰朔進仁宗婉容  
周氏為賢妃辛酉御集英殿策進士恤欽廉邕三州  
死事家瘞戰亡士賊所蹂踐除其田征甲戌賜進士  
諸科及第出身五百九十六人丁丑以慈西進士徐

伯祥為右侍禁欽廉白州巡檢宗哥首領鬼章寇五  
年谷熙河鈐轄韓存寶敗之庚辰以种諤知岷州夏  
四月辛卯遼遣耶律庶幾等來賀同天節乙未以遼  
主毋喪罷同天節上壽戊戌復廣濟河漕癸卯詔廣  
南亡沒士卒及百姓為賊殘破者轉運安撫司具實  
并議振恤以聞甲辰給空名告身付安南以招降賞  
功詔諸路募武勇赴廣西贈廣西死事將士官有差  
丙午遣王克臣等弔慰于遼辛亥茂州夷寇邊遣內  
副押班王中正經制甲寅遼遣耶律孝淳以國母喪  
來告帝發哀成服輟視朝七日五月丙辰朔詔邕州

沿邊州峒首領來降者周惠之癸亥詔試醫學生丙寅分兩浙為東西路丁卯城茂州壬申詔安南諸軍過嶺有疾者所至護治丙子大理國來貢庚辰靜州下首領董整白等來降六月丁亥詔安南將吏視軍士有疾者月以數聞己丑綿州都監王慶崔昭用劉珪左侍禁張又援戰茂州死之詔慶等子與借職女出嫁夫與奉職白丁王禹錫等二人賜錢其家辛卯詔濱海富民得養彊戶毋為外夷所誘己亥慮囚降死罪一等杖以下釋之癸卯以水源等洞蠻主儂賀等七人為定遠寧遠將軍秋七月丙辰朱崖軍黎

賊黃嬰入寇詔廣南西路嚴兵備之庚申關以西蝗蝻好蚘生壬戌築下溪州改名會溪城癸亥靜州將楊文緒結蕃部謀叛壬申斬之以徇詔廣西死事官無子孫者許立後乙丑詔自今遇大禮推恩官昭憲太后族一人是月安南行營次桂州郭逵遣鈐轄和斌等督水軍涉海自廣東入諸軍自廣南入八月甲申朔齊州監務左班殿直孫紀死賊錄其一子為三班借職戊子以文彥博守太保兼侍中行太原尹己丑遣程師孟等賀遼主生辰正旦罷鬻祠廟錢丁酉禁北邊民闌出穀粟庚子占城來貢九月戊午濬

汴河丙寅詔罷都大制置河北河防水利司已卯遼  
遣使回謝詔恤嶺南死事家表將士墓冬十月乙酉  
太白晝見乙未詔東南諸路教閱新軍丙午王安石  
罷判江寧府以吳充監修國史王珪為集賢殿大學  
士並同中書門下平章事資政殿學士馮京知樞密  
院辛亥除放沅州歸明人戶去年倚閣秋稅十一月  
乙卯賜廣南東路空名告敕募入錢助軍辛酉錄唐  
相魏徵後同州司士參軍道嚴流內銓特免試注官  
乙亥以安南行營將士疾疫遣同知太常禮院王存  
禱南嶽遣中使建析福道場已卯洮東安撫司言包  
順等破鬼章兵於多移谷壬午鬼章寇岷州知州种  
諤等敗之鐵城十二月丙戌安南偽觀察使劉紀降置  
司農丞庚寅子傭生丁酉詔岷州界經鬼章兵燹者  
賜錢脅從來歸者釋其罪癸卯郭逵敗交趾於富良  
江獲其偽太子洪真李乾德遣人奉表詣軍門降達  
遂班師丁未遼遣耶律連等來賀正旦庚戌詔有得  
鬼章冷鷄朴首者賞之置威戎軍

十年春正月乙丑御宣德門觀燈戊辰仙韶院火不  
視朝已巳白虹貫日二月甲申以崇信軍節度使宗  
旦同中書門下平章事戊子以鬼章敗种諤等賞官

有差辛卯日中有黑子甲午詔宗室使相雖及十年  
更不取旨磨勘丁酉詔諸州歲以十一月給老疾貧  
乏者粟盡三月乃止己亥以王韶知洪州丙午以復  
廣源蘇茂等州群臣表賀赦廣州囚罪一等徒以下  
釋之賜行營諸軍錢民緣征役者恤其家以廣源州  
為順州赦李乾德罪以郭達判潭州趙高知桂州已  
酉以交趾降赦廣南東路荆湖南路繫囚餘各降一  
等徒以下釋之三月辛未慮囚降死罪一等杖以下  
釋之壬申詔州縣捕蝗夏四月辛巳復置憲州乙酉  
遼遣蕭儀等來賀同天節癸巳文州蕃賊寇邊州兵

擊走之丁酉賜熙河路兵特支錢戰死者賜帛免夏  
秋稅五月戊午詔修仁宗英宗史甲戌太白晝見六  
月壬午注輦國朝貢癸巳王安石以使相為集禧觀  
使丁未置岷州鐵城堡秋七月甲寅禱雨丁巳令諸  
路歲上縣令課績辛酉群臣五上尊號曰奉天憲古  
文武仁孝皇帝不許乙亥郭達以安南失律貶為左  
衛將軍丙子河決澶州曹村埽八月壬寅詔潭州置  
將及增武臣一員遣蘇頌等賀遼主生辰正旦甲辰  
詔侍從臺諫監司各舉文臣有才行者一人九月庚  
戌詔河決害民田所屬州縣疏濬仍蠲其稅老幼疾

病者振之乙卯詔諸傳宣內批面諭事無法守並從  
中書樞密覆奏其析恩澤規免罪者劾之辛酉詔鎮  
戎德順軍各置都監一員癸酉立義倉甲戌宗樸兼  
侍中封濮陽郡王冬十月戊寅朔宗樸薨癸巳昭化  
軍節度使宗誼封濮國公詔濮王子以次襲封奉祀  
戊戌太子太師張昇卒十一月庚午以西蕃邈川首  
領董璪都首領青宜結鬼章為廓州刺史阿令骨為  
松州刺史甲戌祀天地于圜丘赦天下十二月丁丑  
朔占城國獻馴象壬午詔改明年為元豐甲申以郊  
祀文武官加恩丁亥封子傭為均國公辛丑遼遣  
律孝淳等來賀正旦

元豐元年春正月乙卯以王安石為尚書左僕射舒  
國公集禧觀使戊午命詳定郊廟禮儀詔減陳留捧  
日天武等軍刺員庚申御宣德門召從臣觀燈乙丑  
以太皇太后疾驛召天下醫者閏月辛巳以翰林侍  
讀學士寶文閣學士提點中太一宮呂公著兼端明  
殿學士巳丑詔贈尚書令韓琦依趙普故事壬辰樞  
密直學士孫固同知樞密院事巳亥太傅兼侍中曾  
公亮薨庚子日中有黑子癸卯以公亮配饗英宗廟  
庭二月庚戌濮國公宗誼薨甲寅以邕州觀察使宗

暉為淮康軍節度使封濮國公戊辰詔赦安南戰掉  
都監楊從先等仍論功行賞三月辛巳慮囚降死罪  
一等杖以下釋之御廂英閣沈季長進講周禮八法  
癸未詔内外文武官各舉堪應武舉一人廣南西路  
經略司乞教閱峒丁從之乙未御崇政殿閱諸軍辰  
沅徭賊寇邊州兵擊走之夏四月巳酉遼遣耶律永  
寧等來賀同天節丙辰詔增置兩浙路提舉官庚申  
詔除九經外餘書不得出界癸亥太白晝見乙丑封  
號國公宗諤為豫章郡王戊辰塞曹村決河名其婦  
曰靈平五月甲戌朔賜塞河役死家錢乙亥詔試中

刑法官以次推恩六月癸卯朔日有食之乙巳詔以  
靈平功遷太常博士苗師中等各一官秋七月癸酉  
朔命西上閣門使忠州團練使韓存寶經制瀘州納  
溪夷巴亥詔齊州預備水災辛丑夔州言甘露降八  
月癸卯西邊將訥兒溫祿尊謀反伏誅丁未詔河北  
被水者蠲其租甲寅遣黃履等賀遼主生辰正日戊  
午以韓絳為建雄軍節度使巳巳詔濱棣滄三州被  
水民以常平糧貸之庚午詔青齊淄三州給流民食  
九月癸酉交趾來貢癸未李乾德表乞還唐源等州  
詔不許乙酉以端明殿學士呂公著樞密直學士薛

向並同知樞密院事詔祀天地及配帝並用特牲是  
月武康軍嘉禾生河中府甘露降冬十月庚戌定秋  
試諸軍賞格侍禁件全死事錄其弟宣為三班借職  
辛亥韓存寶破瀘夷後城十有三圍癸亥于闐來貢  
十一月己丑命龍圖閣直學士宋敏求等詳定正旦  
御殿儀注癸巳辰州徭賊叛詔沅州兵討之己亥罷  
文武功臣號是月梁縣嘉禾生十二月丙午日中有  
黑子凡十二日辛亥錄囚降死罪一等杖以下釋之  
丙辰詔青州民王贊以復父讐免死刺配鄰州戊午  
置大理寺獄己未詔罷都大提舉在京諸司庫務司

甲子以婉儀邢氏為賢妃詔罷三司推勘公事官城  
軍器監勾當公事審官東院流內銓及將作監三班  
院主簿左右軍巡判官丙寅遼遣耶律隆等來賀正  
旦

二年春正月乙亥罷岢嵐火山軍市馬丙子詔立高  
麗交易法壬午以容州管內觀察使上柱國南陽郡  
開國公楊遂為寧遠軍節度使癸未詔知沅州謝麟  
督捕徭賊甲申御宣德門觀燈丁亥詔以經義論試  
宗室甲午京兆府學教授蔣夔乞以十哲從祀孔子  
從之詔辰州叙浦縣置龍潭堡是月潁州壽州甘露

降二月甲寅詔瘞漢州暴骸日中有黑子乙卯以瀘  
州夷乞第犯邊詔王光祖等討之丙辰詔定解鹽歲  
額乙丑滄州饑發倉粟振之三月庚午朔董璫遣使  
來貢辛未詔給地葬畿內寄策之喪無所歸者官瘞  
之庚辰親試禮部進士壬午試特奏名進士及武舉  
癸未試諸科明法賜董璫緡錢銀帛對衣金帶等物  
丙戌詔雒州兩輸戶南徙者諭令復業庚寅疏汴洛  
夏四月辛丑幸金明池觀水嬉宴射瓊林苑甲辰遼  
遣蕭晟等來賀回天節丁巳陳升之以檢校太尉依  
前同中書門下平章事鎮江軍節度使上柱國秀國  
公致仕己未陳升之卒癸亥定正旦御殿儀甲子詔  
增審刑院詳議詳斷官罷刑部檢法官是月南康軍  
甘露降眉州生瑞竹五月丙子順州蠻叛峒兵討平  
之庚辰詔以濮安懿王三夫人並稱王夫人柎濮園  
辛巳太子太師致仕趙槩上所集諫林甲申兀絳罷  
知亳州乙酉詔安南軍死事孤寡廩給之戊子御史  
中丞蔡確參知政事六月甲辰廣西捕斬農智春執  
其妻子以獻戊申命蔡確參定編修傳法寶錄癸丑  
詔五路帥臣副總管軍臣僚各舉任將領及大使臣  
者二人甲寅清汴成辛酉詔鎮寧軍節度使魏國公



宗懿追封舒王是月南康軍甘露降忠州兩豆秋七月甲戌張方平以太子少師致仕戊寅詳定朝會儀已卯會中書句考四方詔獄庚辰以淮康軍節度使宗暉同中書門下平章事丁亥詳定郊廟禮儀是月陳州芝草生南賓縣兩豆瓊州甘露降八月丙申朔夏人寇綏德城都監李浦敗之辛丑分涇原路兵為十一將壬寅復八作司為東西兩司各置監官文臣一員武臣二員遣李清臣等賀遼主生辰正旦甲寅詔增太學生舍為八十齋齋三十人外舍生二千人內舍生三百人月一私試歲一公試補內舍生間歲

一舍試補上舍生以潁州為順昌軍節度是月曹州生端毅河陽生芝草九月以天降順昌軍囚罪一等徒以下釋之甲申西南龍蕃來貢丁亥宴集英殿已丑進燒好朱氏為昭容壬辰出馬步禁格開法頒諸軍甲午西南羅蕃方蕃來貢冬十月丙申西南石蕃來貢癸卯置籍田令詔立水居船戶五戶至十戶為一甲以申交心歸所據賦詔以順州賜之己酉太皇太后疾上不視事庚戌遣使朝謝景靈宮命輔臣禱于天地宗廟社稷赦天下囚死罪一等以下釋之乙卯太皇太后崩丙午葬太皇太后于園陵曰山陵

辛酉改葬臣亡... 月... 始御崇... 復置御史大察吏甲... 州... 草... 桂州甘露降

本紀卷第十五

本紀卷第十六

宋史十六

開儀司... 勅修

勅修

神宗三

三年春正月乙卯朔以太行太皇太后在殯不視朝... 癸酉陞許州為鎮昌府丙子降鎮昌囚罪一等徒以... 下釋之戊寅上太皇太后謚曰慈聖光獻戊子詔審... 刑院刑部斷獄官失入者歲具數罰之己丑高麗國... 遣使來貢白... 日辛卯于闐國大首領阿合顏額... 溫... 來... 己丑... 日二月丙午以翰林學士章...

博參知政事丙辰始御崇政殿視朝丁巳命輔臣禱  
雨三月乙丑工部侍郎同平章事吳充罷為觀文殿  
文學士西太一宮侍妾西華慈聖光獻皇后于永昭  
陵丙子南丹州人貢以刺史印賜之乙酉祔慈聖光  
獻皇后神主于太廟戊子降兩京河陽囚罪一等民  
緣山陵役者蠲其賦己丑以慈聖光獻皇后弟昭德  
軍節度使曹侂為司徒兼中書令陝護國軍節度使  
餘親屬加恩有差夏四月乙未觀文殿大學士吳充  
薨丁酉封宋暉為濮陽郡王以安懿王子孫皆進官  
一等己亥遼遣耶律承芳等來賀同天節乙巳以瀘  
州夷之弟侵擾詔邊將討之戊申乞弟寇戎州兵官  
王宣等戰歿甲寅罷群牧行司復置提舉買馬監牧  
司乙卯令御史分案諸路監司庚申詔御史臺六察  
以糾劾多寡為殿最任滿取旨升黜辛酉增國子監  
歲賜錢六千緒五月乙丑詔自今三伏內五日一御  
前殿辛巳以穎昌進士劉堂上制盜十策授徐州蕭  
縣尉甲申復命韓存寶經制瀘夷詔改都大提舉導  
洛通汴司為都提舉汴河提岸司是月青州臨朐益  
都石化為縣六月甲午日有五色雲戊戌詔省宗室  
教授存十三員丙午詔中書詳定官制罷兵部勾當

宋史九十六

卷九十六

二

四百八十八  
公事官詔河北河東陝西路各選文武官一員提舉  
義勇保甲壬子詔罷中書門下省主判官歸其事於  
中書是月安州臨江軍產芝及連理麥秋七月庚午  
河決澶州甲戌詔自今遇大禮罷上尊號癸未禁出  
太微垣丙戌避殿減膳詔求直言丁亥罷群神從祀  
明堂戊子太白書見八月乙巳罷省寺監官領空名  
者癸丑遣王存等督遼主生辰正旦戊午禁不見九  
月壬戌增宣祖定州東安墳地二十頃及守園戶丙  
寅御殿復膳乙亥正官名以開府儀同三司易中書

今侍中同平章事侍從易左右僕射自是以下至承  
務郎易祕書省校書郎正字將作監主簿有差於

僕射以下及階散憲銜並罷詳在職官志辛巳大饗明堂  
以英宗配赦天下癸未薛向孫固並為樞密副使乙酉  
詔即景靈宮作十一殿以時工禮祀祖宗以王安石為  
特進改封荆國公丙戌進封岐王顥為雍王嘉王頊為  
曹王並為司空文彥博為太尉封曹佾為濟陽郡王宗  
旦為華陰郡王馮京為樞密使薛向罷知潁州丁亥以  
呂公著為樞密副使閏九月乙卯加文彥博河東永興  
軍節度使以富弼為司徒十一月己丑朔日當食雲陰  
不見十二月甲辰遼遣蕭偉等來賀正旦

宋史卷一百一十六

四年春正月乙未命步軍都虞候林廣代韓存寶經制  
瀘夷庚子詔試進士加律義辛亥子闌來貢馮京罷知  
河陽孫固知樞密院龍圖閣直學士韓縝同知樞密院  
事二月辛未置秦州鑄錢監己卯分東南團結諸軍爲  
十三將三月乙未詔在京官毋舉辟執政有服親癸卯  
章惇罷知秦州甲辰以翰林學士張璪叅知政事乙巳  
命官閱九軍營陳法於京城南戊申大閱丙辰董璪遣  
使來貢夏四月癸亥遼遣耶律祐等來賀同天節御延  
和殿閱試保甲己巳詔罷南郊合祭天地自今親祀北  
郊如南郊儀有故不行則以上公攝事壬申慮囚山陰  
縣主簿余行之謀反伏誅乙酉河決澶州小吳埽五月  
丁酉詔河東路提點刑獄劉定專振被水民戊申封晉  
程嬰為成信侯公孫杵臼為忠智侯立廟于絳州六月  
戊午河北諸郡蝗生癸未命提點開封府界諸縣公事  
楊景略提舉開封府界常平等事王得臣督諸縣捕  
蝗秋七月己丑太白晝見庚寅西邊守臣言夏人囚  
其主秉常詔陝西河東路討之甲午鄜延涇原環慶  
熙河麟府路各賜金銀帶綿襖銀器鞍轡象笏甲辰  
韓存寶坐逗遛無功伏誅丁未大軍進攻米脂砦己  
酉詔曾鞏充史館修撰專典史事詔內外官司舉官

悉能令大理卿崔台符同尚書吏部審官東西三班院議選於八月乙卯朔罷中書堂選悉歸有司丙辰詔蠲河北東路災傷州軍今年夏料役錢辛酉夏人寇臨州堡詔董種會兵伐之以金州刺史燕達為武康軍節度使己巳復置滑州丁丑熙河經制李憲敗夏人于西市新城獲酋首三人首領二十餘人庚辰又襲破于女遮谷斬獲甚衆辛巳司馬光趙彥若上丙作百官公卿年表十卷宗室世表三卷九月乙酉董種遣使來貢且言已遣首領洛施軍篤喬阿公等將兵三萬會擊夏國李憲復蘭州古城戊子蘭州新順首領巴令謁等三族率所部兵攻夏人撒逋宗城敗之己亥王珪上國朝會要壬寅閱河北保甲于崇政殿官其優者三十六人甲辰詳定郊廟奉祀禮儀丙午詔諭夏主左右并鬼名部族諸部首領並許自歸戊申太白犯斗庚戌夏兵救米脂砦鄜延經略副使種諤率衆擊破之辛亥種諤又敗夏人于無定川十月丁巳米脂砦降己未拂菻國來貢庚申熙河兵至女遮谷與夏人遇戰敗之乙丑涇原兵至磨哆隘遇夏人與其統軍梁大王戰敗之追奔二十里斬大首領沒囉卧沙監軍使梁格鬼等十五級獲首領統

軍姪訖多埋等二十二人已入銀州庚午環慶行  
營經略使高遵裕復通遠軍种諤遣曲珍等領兵通  
黑水安定堡路遇夏人與戰破之斬獲甚衆癸酉復  
韋州乙亥李憲敗夏人于屈吳山丁丑曲珍與夏人  
戰于蒲桃山敗之戊寅种諤入貢州詔諸將存撫降  
人辛巳史館修撰曾鞏乞收采名臣高士事迹遺文  
詔從之涇原節制王中正入宥州十一月癸未朔日  
有食之丁亥諸軍合攻靈州种諤敗夏人于黑水已  
丑李憲敗夏人于囉逋川辛卯种諤降橫河平人戶  
破石堡城斬獲甚衆辛丑師還癸卯种諤至夏州索

家平兵衆三萬人以無食而潰丙午高遵裕以師還  
夏人來追遂潰十二月辛未林廣破乞弟于納江乙  
亥慈聖光獻皇后禫祭宰臣王珪等上表請聽樂不  
許自是五表乃從之戊寅遼遣蕭福全等來賀正旦  
五年春正月癸未朔不受朝丙申御宣德門觀燈已  
亥白虹貫日庚子責授高遵裕郢州團練副使本州  
安置乙巳作新渾儀浮漏辛亥詔再議西討以熙河  
經制李憲為涇原熙河蘭會安撫制置使李浩權安  
撫副使二月癸丑朔頒三省樞密六曹條制詔鄜延  
軍士病不能歸者賜其家絹十匹丙辰以乞弟平班

師辛酉詔董種首領結隣死者朝辭物給其子董訥  
支蘭種增賜絹百匹癸亥華陰郡王宗旦薨丁卯封  
武昌軍節度觀察留後宗惠為江夏郡王癸酉以出  
師赦梓州路減囚罪一等民緣軍事役者蠲其賦封  
董種為武威郡王丙子渤泥來貢三月壬辰親策進  
士甲午策武舉己亥以日當食避殿減膳赦天下降  
死罪一等流以下原之詔杭州歲修吳越王墳廟壬  
寅鄜延路副總管曲珍敗夏人于金湯乙巳賜進士  
諸科出身千四百二十八人丙午兩土夏四月壬子  
朔日食不見甲寅御殿復膳丁巳遼遣耶律永端等

來賀同天節己未沈括奏遣曲珍將兵綏德城應援  
討葭蘆塞左右見聚羌落詔從之乙丑以直龍圖閣  
徐禧知制誥權御史中丞癸酉官制成以王珪為尚  
書左僕射兼門下侍郎蔡確為尚書右僕射兼中書  
侍郎甲戌太中大夫章惇為門下侍郎張璪為中書  
侍郎翰林學士蒲宗孟為尚書左丞翰林學士王安  
禮為尚書右丞錄唐段秀實後復其家丁丑同知樞  
密院呂公著罷知定州五月辛巳朔行官制丁亥賞  
平蠻將士有差癸巳豐州卒張世矩等作亂伏誅其  
黨王安以母老詔特原之作尚書省戊戌詔兩省官



人舉可任御史者各二人甲辰遣給事中徐禧治廊  
延邊事六月辛亥朔環慶經略司遣將與夏人戰破  
之斬其統軍嵬名妹精嵬副統軍訛勃遇甲寅王珪  
上兩朝史戊午詔修兩朝寶訓詔以成都路供給瀘  
州邊事曲赦免二稅甲子改翰林醫官院為醫官局  
壬申交趾獻馴犀二癸酉豫章郡王宗諤薨戊寅曲  
珍等敗夏人于明堂川作天源河秋七月辛巳廣西  
經略司言知宜州王奇與賊戰敗績壬午詔罷大理  
寺官赴中書省讞案戊子詔御史中丞舒亶舉任言  
事或察官十人辛卯詔尚書考功員外郎蔡京編手

詔庚子以蔡京為起居郎仍同詳定官制丁未垂拱  
殿宴修史官巳酉始建雩壇祀上帝以太宗配八月  
庚戌朔封御侍武氏為才人壬子進封均國公傭為  
延安郡王以昭容朱氏為賢妃庚申帝有疾詔歲以  
四孟月朝獻景靈宮辛未遣韓忠彥等賀遼主生辰  
正旦鳳州團練使种諤以行軍迂道降授文州刺史  
壬申詔罷增城幕職州縣官奉甲戌城永樂曲珍戰不  
決原武九月丁亥夏人三十萬衆寇永樂曲珍戰不  
利裨將寇偉等死之夏人遂圍城巳丑帝以疾愈降  
京畿囚罪一等徒以下釋之壬辰遣使行視畿縣民

被水患者乙未詔張世矩等將兵救永樂砦戊戌永樂陷給事中徐禧內侍李舜舉陝西轉運判官李稷死之己亥詔客省引進四方館東西上閣門各置使副等職庚子安化蠻寇宜州知州王奇死之詔贈忠州防禦使辛丑賞董璪將士有差癸卯滑州河水溢冬十月辛亥洛口廣武大河溢甲寅知延州沈括以措置乖方責授均州團練副使隨州安置鄜延路副都總管曲珍以城陷敗走降授皇城使丙辰脩定景靈宮儀乙丑詔贈永樂死事臣徐禧金紫光祿大夫吏部尚書李舜舉昭化軍節度使並賜謚忠愍李稷朝奉大夫工部侍郎入內高品張禹勤皇城使各推恩賜贈有差癸酉貶知太原府資政殿大學士呂惠卿知單州十一月戊寅朔罷御史察諸路壬午景靈宮成告遷祖宗神御癸未初行酌獻禮乙酉以奉安神御赦天下官與享大臣子若孫一人庚寅紫宸殿宴侍祠官十二月丁巳新樂成以賢妃周氏為德妃辛酉塞原武決河丙寅休日御延和殿引進對官十人辛未西南龍蕃來貢壬申遼遣耶律儀等來賀正旦丙子錄永樂死事將皇城使寇緯等十三人及東上閣門副使景思誼等九十人贈賜有差

六年春正月丁丑朔御大慶殿受朝始用新樂儀鸞  
司徹幕屋壞毀王輅甲申白虹貫日丁亥朝獻景靈  
宮巳丑層壇全貢庚寅御宣德門觀燈癸巳詔御史  
六察罷上下半年更易法乙未詔修周漢以來陵廟  
乙巳御崇政殿閱武士丙午封楚三閭大夫屈平為  
忠潔侯二月丁未夏人數十萬衆攻蘭州鈐轄王文  
郁率死士七百餘人擊走之丙辰以夏人犯蘭州貶  
熙河經略使李憲為經略安撫都總管以王文郁為  
西上閣門使知蘭州副使李浩為四方館使甲子詔  
供備庫使高遵治西京左藏庫副使張壽各降一官

三月辛卯夏人寇蘭州副總管李浩以衛城有功復  
隴州團練使乙未休日御延和殿引進對官八人丙  
申河東將薛義敗夏人于葭蘆西嶺戊戌以檢校太  
尉上柱國太原郡開國公王拱辰為武安軍節度使  
麟府州將郭忠詔等敗夏人于乜離抑部詔行賞有  
差巳亥河東將高永翼敗夏人于真鄉流部夏四月  
巳酉朝獻景靈宮辛亥遼遣蕭固等來賀同天節甲  
子禮部郎中林希上兩朝寶訓李浩敗夏人于巴義  
谿辛未兩土壬申御邇英閣蔡卞進講周禮五月丙  
子朔牙闐入貢甲申以時暑趣決開封大理獄庚寅

以旱慮囚甲午夏人寇蘭州右侍禁章定死之癸卯  
詔賜資州孝子支漸粟帛是月夏人寇麟州知州訾  
虎敗之六月乙巳朔詔御史臺六察各置御史一員  
癸丑詔御史中丞兩省官各舉可任言事或監察御  
史五人閏月乙亥朔夏主秉常請修貢許之戊寅詔  
陝西河東毋輒出兵丙戌詔内外文武各舉應武舉  
一人汴水溢丙申太師守司徒韓國公富弼薨謚文  
忠秋七月乙卯柎孝惠孝章淑德章懷皇后于廟丙  
辰以四后柎廟降京畿囚罪一等流以下原之孫固  
罷知河陽以同知樞密院韓縝知樞密院戶部尚書

安燾同知樞密院戊午朝獻景靈宮八月丙子賜升  
柎陪祠官宴于尚書省己卯太白晝見乙酉遣蔡京  
等賀遼主生辰正旦辛卯蒲宗孟罷王安禮為尚書  
左丞吏部尚書李清臣為尚書右丞九月癸卯朔日  
有食之冬十月癸酉朔秉常遣使上表請復修職貢  
乞還舊疆戊子封孟軻為鄒國公癸巳會稽郡王世  
清薨庚子尚書省成辛丑封馬援為忠顯王十一月  
癸卯加上仁宗謚曰體天法道極功全德神文聖武  
睿哲明孝皇帝英宗曰體乾應曆隆功盛德憲文肅  
武睿神宣孝皇帝甲辰朝獻景靈宮乙巳朝享太廟

丙午祀昊上帝于園丘赦天下甲寅文彥博以太師致仕乙卯以觀文殿大學士韓絳為建雄軍節度使庚申辛尚書省官執政五服內未仕者一人進尚書以下官一等

七年春正月丙午封洛州防禦使世準為安定郡王癸丑夏人寇蘭州李憲等擊走之甲寅以賢妃朱氏為德妃二月甲戌太師文彥博入覲置酒垂拱殿癸未進封濮陽郡王宗暉為嗣濮王封宗晟為高密郡王宗綽為建安郡王宗隱為安康郡王宗瑗為漢東郡王宗愈為華原郡王三月辛丑賜文彥博宴于瓊

林苑帝製詩以賜之庚申御崇政殿大閱壬戌詔賜鬼章寫經紙還其所獻馬癸亥白虹貫日夏四月辛未大食國來貢乙亥遼遣蕭浹等來賀同天節丁丑賜饒州童子朱天錫五經出身丙戌景靈宮天元殿門生芝草六本壬辰朝獻景靈宮癸巳夏人寇延州安塞堡將官呂真敗之五月壬子慮囚降死罪一等杖以下釋之辛酉白虹貫日壬戌以孟軻配食文宣王封荀况楊雄韓愈為伯並從祀詔諸路帥臣監司等舉大使臣為將領六月丙子夏人寇德順軍巡檢王友死之辛卯江夏郡王宗惠薨秋七月甲辰伊洛

嘉靖丙辰年

宋史本紀卷第六十一

監生劉夢龍刊

溢河決元城丙午遣使振恤賜溺死者家錢壬子朝  
獻景靈宮甲寅王安禮罷八月庚午詔王光祖遣人  
招諭乞弟許出降免罪補官是歲乞弟死辛巳遣陳  
睦等賀遼主生辰正旦九月壬寅西南龍蕃來貢乙  
巳三佛齊來貢乙丑夏人圍定西城熙河將秦貴敗  
之冬十月乙亥夏人寇熙河庚辰饒州童子朱天申  
對于睿思殿賜五經出身辛巳朝獻景靈宮戊子詔  
分畫交趾界以六縣二峒賜之乙未夏人寇靜邊砦  
涇原將彭孫敗之十一月丁酉朔寇清邊砦隊將白  
玉李貴死之甲辰夏國主秉常遣使來貢乙卯太白

書元十二月戊辰端明殿學士司馬光上資治通鑑  
以光為資政殿學士降詔獎諭廣南詔門下中書外  
省官同舉言事御史辛卯遼遣耶律襄等來賀正旦  
是歲河東饑河北水壞洛州廬舍燬其稅

八年春正月戊戌帝不豫甲辰赦天下乙丑命輔臣  
代禱景靈宮乙卯分遣群臣禱于天地宗廟社稷二  
月辛巳開寶寺貢院火丁亥命禮部鑰試別所癸巳  
上疾甚遷御福寧殿三少自樞密院入見請立皇太子  
及請皇太后權同聽政許之三月甲午朔立延安郡  
王儋為皇太子賜名煦皇太后權同處分軍國事乙

三百八十八  
未赦天下違官言二十八地宗廟社稷諸陵丁酉皇太后命吏部尚書曾之寬為周立皇太子禮儀使戊戌上崩于福寧殿年二十有八皇太子即皇帝位尊皇太后為太皇太后皇后為皇太后懿妃朱氏為皇太妃太皇太后權同慶分軍國事九月己亥上大行皇帝謚曰英文烈武聖孝皇帝廟號神宗十月乙酉葬于永裕陵

贊曰帝天性孝友其入事兩宮必侍立終日雖寒暑不變嘗與岐嘉二王讀書東宮侍講王陶講論經史解相率拜之由是中外翕然稱賢其即位也小心謙抑敬畏輔相求直言察民隱恤孤獨養耆老振匱乏不治宮室不事遊幸厲精圖治將大有為未幾王安石入相安石為人恃悍自信知祖宗忘吞幽劄靈武而數敗兵帝奮然將雪數世之耻未有所當遂以偏見曲學起一乘之青苗保甲均輸市易水利之法既立而天下洶洶騷動慟哭流涕者接踵而至帝終不覺悟方斷然廢逐元老以斥諫士行之不疑卒致祖宗之良法盡意變壞幾自是邪佞日進人心日離禍亂日甚惜哉

本紀卷第十六

本紀卷第十七

宋史十七

開府儀同三司在國錄軍國重事前中書右丞相監修國史領經筵事都總裁脫解

勅修

哲宗一

哲宗憲元繼道顯德定功欽文睿武齊聖昭孝皇帝  
諱煦神宗第六子也母曰欽聖皇后朱氏熙寧九年  
十二月七日巳丑生于宮中赤光照室初名傭授檢  
校太尉天平軍節度使封均國公元豐五年遷開府  
儀同三司彰武軍節度使進封延安郡王七年三月  
神宗宴群臣于集英殿玉侍立天表粹温進止中度

嘉靖丙辰年

宋史卷第十七

監生劉愛龍刊



宰相而下再拜賀八年二月神宗寢疾宰相王珪乞  
早建儲為宗廟杜稷計又奏請皇太后權同聽政神  
宗首肯三月甲午朔皇太后垂簾于福寧殿諭珪等  
曰皇子性莊重後學穎悟自皇帝服藥手寫佛書為  
帝祈福因出以示珪等所書字極端謹珪等稱賀遂  
奉制立為皇太子初太子宮中常有赤光至是光益  
熾如火戊戌神宗崩太子即皇帝位己亥大赦天下  
常赦所不原者群臣進秩賜賚諸軍遣使告哀于遼  
白虹貫日庚子尊皇太后曰太皇太后皇后曰皇太  
后德妃朱氏曰皇太妃命宰臣王珪為山陵使甲寅

以群臣固請始同太皇太后聽政己未賜叔雍王顥  
曹王顥贊拜不名令中外避太皇太后父遵甫名詔  
邊事稍重者樞密院與三省同議以進庚申尚書左  
僕射郇國公王珪進封岐國公顥進封揚王顥為荆  
王並加太保弟寧國公佖為遂寧郡王儀國公似為  
大寧郡王成國公佖為咸寧郡王和國公似為普寧  
郡王高密郡王宗晟漢東郡王宗瑗華原郡王宗愈  
安康郡王宗隱建安郡王宗綽並為開府儀同三司  
太師潞國公文彥博為司徒濟陽郡王曹佾為太保  
特進王安石為司空餘進秩賜致仕服帶銀帛有差

辛酉詔顏子孟子配享孔子廟庭夏四月丙寅初御  
紫宸殿辛未蠲元豐六年以前逋賦甲戌加李乾德  
同中書門下平章事董氈檢校太尉詔曰先皇帝臨  
御十有九年建立政事以澤天下而有司奉行失當  
幾於煩擾或苟且文具不能布宣實惠其申諭中外  
協心奉令以稱先帝惠安元元之意乙亥詔以太皇  
太后生日為坤成節丁丑召呂公著侍讀諭樞密中  
書通議事都堂詔遵先帝制遣官察舉諸路監司之  
法庚辰呂惠卿遣兵入西界破六砦斬首六百餘級  
辛巳遣使以先帝遺留物遺遼國及告即位甲申水

部員外郎王諤非職言事坐罰金丙戌以蕃官高福  
戰死錄其子孫丁亥復蠲舊年逋賦五月丙申詔百  
官言朝政闕失資政殿學士司馬光過闕入見丁酉  
群臣請以十二月七日為興龍節壬寅城熙蘭通遠  
軍賜李憲趙濟銀帛有差甲辰作受命寶丙午京師  
地震復置遼州庚戌王珪薨改命蔡確為山陵使丙  
辰賜禮部奏名進士諸科及第出身四百六十一人  
戊午以蔡確為尚書左僕射兼門下侍郎韓縝為尚  
書右僕射兼中書侍郎章惇知樞密院司馬光為門  
下侍郎六月庚午賜楚州孝子徐積絹米丁亥詔中

外臣庶許直言朝政闕失民間疾苦秋七月戊戌以  
資政殿大學士呂公著為尚書左丞詔府界三路保  
甲罷團教丙午遼人來吊祭丙辰白虹貫日吏部侍  
郎熊本奏歸化儂知會異同坐罰金罷沅州增脩堡  
砦八月乙丑詔按察官所至有才能顯著者以名聞  
已巳鎮江軍節度使韓絳進開府儀同三司癸酉遣  
使賀遼主生辰正旦乙亥以供奉王英戰死葭蘆錄  
其子九月戊戌以成宗英文烈武聖孝皇帝之謚告  
于天地宗廟社稷已亥上寶冊于福寧殿已酉遣使  
報謝于遼冬十月甲子夏國遣使進助山陵馬祭酉

詔倣唐六典置諫官丁丑令侍從各舉諫官二人詔  
監察御史兼言事殿中侍御史兼察事罷義倉已卯  
詔均寬民力有司或致廢格者監司御史糾劾之河  
決大名乙酉葬神宗皇帝于永裕陵丙戌罷方田以  
夏國主毋卒遣使吊祭十一月癸巳詔按問強盜欲  
舉自首者毋減丁酉桃翼祖祔神宗于太廟廟樂曰  
大明之舞辛丑減兩京河陽囚罪一等杖已下釋之  
民緣山陵役者蠲其賦已酉遼遣使賀即位十二月  
壬戌于真進獅子詔却之開經筵講魯論讀三朝寶  
訓罷太學保任同罪法丙寅夏人以其毋遺留物馬

白駝來獻辛未左僕射蔡確右僕射韓縝並遷秩加  
食邑揚王顥荆王頤並為太傅壬申章惇司馬光等  
進秩有差甲戌罷後苑西作院乙亥詔執政侍臣講  
讀戊寅罷增置鑄錢監十有四乙酉遼遣蕭睦等來  
賀正旦是歲日有五色雲者六高麗大食入貢

元祐元年春正月庚寅朔改元丙午錄在京囚減死  
罪以下一等杖罪者釋之丁未詔回賜高麗王鞍馬  
服帶器幣有加罷陝西河東元豐四年後凡緣軍興  
添置官局丙辰久旱宰相國寺祈雨立神宗原廟戊  
午甘露降二月辛酉以河決大名壞民田民艱食者

衆詔安撫使韓絳振之乙丑脩神宗實錄丁卯詔左  
右侍從各舉堪任監司者二人舉非其人有罰庚午  
禁邊民與夏人為市辛未董氈卒以其子阿里骨襲  
河西軍節度使邈川首領庚辰夏人入貢辛巳刑部  
侍郎蹇周輔坐變鹽法落職閏月庚寅蔡確罷以司  
馬光為尚書左僕射門下侍郎詔韓維呂大防孫永范  
純仁詳定役法壬辰以呂公著為門下侍郎丙午守  
尚書右丞李清臣為尚書左丞試吏部尚書呂大防  
為尚書右丞白虹貫日丁未群臣上太皇太后宮名  
曰崇慶殿曰崇慶壽康皇太后宮曰隆祐殿曰隆祐

慈徽庚戌賜于闐國王服帶器幣辛亥章惇罷甲寅  
詔侍從御史國子司業各舉經明行脩可為學官者  
二人乙卯以吏部尚書范純仁同知樞密院事丙辰  
掩京城暴骸罷諸州常平管勾官三月辛未詔毋以  
堂差衝在選已注官置訴理所許熙寧以來得罪者  
自言命太學公試司業博士主之如春秋補試法癸  
酉置開封府界提點刑獄一員乙亥罷熙河蘭會路  
經制財用司己卯復廣濟河輦運辛巳詔民間疾苦當  
議寬恤者監司具聞以程頤為崇政殿說書乙酉許  
職事官帶職夏四月己丑韓縝罷辛卯詔諸路旱傷  
蠲其租壬辰以旱慮囚癸巳王安石薨辛丑詔執政  
大臣各舉可充館閣者三人壬寅以呂公著為尚書  
右僕射兼中書侍郎文彥博平章軍國重事乙巳詔  
戶部裁冗費著為令李憲等以用兵失利為劉摯所  
劾貶秩奉祠辛亥揚王顥荆王頊並特授太尉詔遇  
科舉令升朝官各舉經明行脩之士一人俟登第日  
與升甲罷謁禁之制知誠州周士隆撫納溪洞民一  
千三百餘戶賜士隆銀帛癸丑定六曹郎官員數五  
月丁巳朔以資政殿大學士韓維為門下侍郎罷諸  
路重祿復熙寧前舊制庚申夏人來賀即位壬戌詔

侍從臺官監司各舉縣令一人戊辰命程頤同脩立  
國子監條制己巳幸楊王荆王第官其子九人癸酉  
復左右天廐坊壬午詔文彥博班宰相之上六月甲  
辰置春秋博士呂惠卿落職分司南京蘇州居住戊  
申以富弼配享神宗廟庭庚戌太白晝見甲寅詔正  
風俗脩紀綱勿理隱疵細故復置通利軍程頤上疏  
論輔養君德秋七月丁巳置檢法官辛酉設十科舉  
士法劉恕同脩資治通鑑未沾恩而卒詔官其子乙  
丑夏國主秉常卒庚午夏國遣使賀坤成節八月辛  
卯詔常平依舊法罷青苗錢壬辰封弟德為祁國公  
甲午占城國遣使入貢壬子日傍有五色雲磁州穀  
異壘同穗九月丙辰朔司馬光薨己未朝獻景靈宮  
辛酉大享明堂以神宗配赦天下丁卯試中書舍人  
蘇軾為翰林學士知制誥己卯張璪罷冬十月丙戌  
改衍聖公為奉聖公庚寅太白晝見壬辰夏人來告  
哀庚子遣使吊祭十一月戊午以尚書左丞呂大防  
為中書侍郎御史中丞劉摯為尚書右丞乙亥于闐  
國遣使入貢庚辰蠲益井官溪錢十二月庚寅詔將  
來服除依元豐三年故事群臣勿上尊號戊戌華州  
鄭縣小敷谷山崩戊申詔以冬温無雪決繫囚是歲

河北楚海諸州水

二年春正月乙丑封秉常子乾順為夏國主戊辰詔  
舉人程試主司毋得於老莊列子書命題辛巳詔蘇  
轍劉放編次神宗御製白虹貫日二月丁亥遣左司  
諫朱光庭使河北振民被災者詔施黔戎瀘等州保  
甲監司免歲閱丁酉加賜于闐國金帶錦袍器幣已  
亥命吏部選人改官歲以百人為額辛丑詔陝西河  
東行策應牽制法是月代州地震三月壬戌太皇太  
后手詔止就崇政殿受冊戊辰詔中外侍從歲舉邵  
各一人令御史臺察民俗奢僭者夏人遣使入謝癸

酉奉安神宗神御于景靈宮宣光殿庚辰詔內侍省  
供奉官以下百人為額夏四月丙戌交趾入貢丁亥  
鬼章子結吼獻寇兆東戊子慮囚已丑詔太師文彥  
博十日一議事都堂辛卯詔冬夏旱曠海內被災者  
廣避殿減膳責躬思過以圖消復丁酉以四方牒訴  
上尚書者或寬抑不得直令御史分察之已亥太皇  
太后以旱權罷受冊禮癸卯雨乙丑以徐州布衣陳  
師道為亳州司戶參軍丁未復制科戊申御殿復膳  
李清臣罷五月癸丑夏人圍南川砦丁卯以劉摯為  
尚書左丞兵部尚書王存為尚書右丞壬申于闐入

貢丁丑詔御史官闕中丞御史翰林學士兩省諫  
議大夫以上雜舉六月辛丑以安燾知樞密院事壬  
寅有星如瓜出文昌丙午邈川首領結藥來降授三  
班奉職秋七月辛亥詔戶部修會計錄韓絳以司空  
致仕夏人寇鎮戎軍詔府界三路教閱保甲復課利  
場務虧額科罰丙辰罷諸州數外歲貢戊午以遼蕭  
德崇等賀坤成節曲宴垂拱殿始用樂庚申進封李  
乾德為南平王辛酉改誠州為梁陽軍辛未韓維罷  
八月辛巳程頤羅經筵權同管勾西京國子監癸未以  
西蕃寇洮河民被害者給錢粟死者賜帛其家詔復

進納人改官舊法乙酉命呂大防為西京安奉神宗  
御容禮儀使庚寅西南蕃遣人入貢癸巳以夏國政  
亂主幼強臣乙連等擅權逆命詔諸路帥臣嚴兵備  
之庚子授西蕃首領心牟欽瓊銀州團練使温溪心  
瓜州團練使辛丑涇原言夏人寇三川諸砦官軍敗  
之丁未岷州行營將种誼復洮州執蕃酋鬼章青宜  
結九月乙卯發太皇太后冊寶于大慶殿丙辰發皇  
太后皇太妃冊寶于文德殿己未夏人寇鎮戎軍丁  
卯禁私造金箔冬十月壬午奉安神宗御容于會聖  
宮及應天院癸未日有五色雲戊子恭謝景靈宮辛



卯減西京囚罪一等杖已下釋之已亥西南龍張蕃  
遣人入貢庚子論復兆州功种誼等遷秩賜銀絹有  
差十一月丙辰復置漣水軍庚申獻鬼章于崇政殿  
以罪當死聽招其子及部屬歸以自贖乙亥大雪甚  
民凍多死詔加振恤死無親屬者官瘞之罷內殿承  
制試換文資格丙子決囚十二月乙酉賜諸軍及貧民  
錢丙戌興龍節初上壽于紫宸殿已丑大寒罷集英  
殿宴壬辰兀征聲延部族老幼萬人渡河南遣使廩  
食之仍諭聲延勿失河北地乙未白虹貫日壬寅頒  
元祐勅令式是冬始開汴口

三年春正月己酉朔不受胡虜庚戌復廣惠倉己未朝  
獻景靈宮庚申雪寒發京西穀五十餘萬石損其直以  
紓民辛酉詔廣南西路朱崖軍開示恩信許生黎悔  
過自新壬戌罷上元遊幸壬申阿里骨奉表詣闕謝  
罪令邊將無出兵仍罷招納甲戌決囚二月甲申罷  
修金明池橋殿乙酉德音減囚罪一等徒以下釋之  
工役權放一年流民饑貧量與應副丙戌詔河東苦  
寒量度存恤戊寅癸巳罷春宴乙未白虹貫日辛丑  
太白晝見乙巳廣東兵馬監軍政坐擅殺無辜伏誅  
三月丙辰韓絳薨丁巳御集英殿策進士戊午策武

舉已巳賜禮部奏名進士諸科及第出身一千一百  
二十二人乙亥夏人寇德靜砦將官張誠等敗之夏  
四月戊寅令諸路郡邑具役法利害以聞辛巳以呂  
公著為司空同平章軍國事呂大防為尚書左僕射  
蕪門下侍郎范純仁為尚書右僕射蕪中書侍郎壬  
午以觀文殿學士孫固為門下侍郎劉摯為中書侍郎  
王存為尚書左丞御史中丞胡宗愈為尚書右丞戶  
部侍郎趙瞻簽書樞密院事癸巳詔定職事官歲舉  
升陟人數丁酉阿里骨來首庚子詔天下郡城以地里  
置仕城兵額禁勿他役五月癸亥漢東邵王宗瑗薨

六月癸未詔司諫正言殿中監察御史倣故事以升  
朝官通判資序歷一年者為之辛丑夏人寇塞門砦  
甲辰五色雲見秋七月戊申荆王顥薨戊辰夜東北  
方明如晝俄成赤氣中有白氣經天辛未太白晝見  
癸酉忠州言臨江塗井鎮兩黑黍八月戊寅阿里骨  
入貢已卯進封楊王顥為徐王辛巳復置荆門軍丙  
戌罷吏試斷刑法丁酉渠陽蠻入寇辛丑降繫囚罪  
一等杖以下釋之九月庚申禁宗室聯姻內臣家乙  
丑阿里骨復遷職加封邑詔觀察使以上給永業田  
丁卯御集英殿策賢良方正能直言極諫科十月丙

戊詔罷新創諸堡砦廢渠陽軍戊戌復南北宣徽院  
十一月甲辰遣吏部侍郎范百祿等行河丁卯大食麻  
囉拔國入貢詔歲以十月給巡城兵衣裘十二月丁  
酉渝州獵人寇小溪壬寅白虹貫日閏月癸卯朔頒  
元祐式甲辰范鎮定鑄律度量鍾磬等以進令禮部  
太常參定戊申減宰執賜予庚申置六曹尚書權官  
丙寅詔吏部詳定六曹重複利害以聞是歲三佛齊  
于闐西南蕃入貢天下上戶部立戶二百一十三萬  
四千七百三十三丁二千八百五十三萬三千九百  
三十四客戶六百一十五萬四千六百五十二丁三  
百六十二萬九千八十三斷大辟二千九百一十五  
人

四年春正月壬申朔不受朝群臣及遼使詣東上閣  
門內東門拜表賀丙子宴遼使于紫宸殿甲申以夏  
人通好詔邊將毋生事二月甲辰呂公著薨庚戌白  
虹貫日乙卯夏人來謝封冊三月己卯作渾天儀胡  
宗愈罷丁亥以不雨罷春宴己丑詔自今大禮毋上  
尊號辛卯晝有流星出東方癸巳錄囚乙未罷幸瓊  
林苑金明池夏四月乙巳呂大防等以久旱求罷不  
允丁未曹佺薨戊申罷大禮使及奏告執政加賜戊

午立試進士四場法壬戌弛在京牧地與民五月癸酉詔自今侍讀以三人為額中丞李常侍御史盛陶坐不論蔡確改官辛巳貶觀文殿學士蔡確為光祿卿丁亥復貶確為英州別駕安置新州丁酉于闐國來貢六月甲辰范純仁王存罷丙午以趙瞻同知樞密院事戶部尚書韓忠彥為尚書左丞翰林學士許將為尚書右丞丁未夏國來貢癸丑邈黎國般次冷移四林栗迷等齎于闐國黑汗王及其國蕃王表章來貢秋七月丙子詔復外都水使者丁丑遼國使蕭寅等來賀坤成節曲宴垂拱殿庚辰安燾以母憂去位八月壬寅勅郡守貳以四善三最課縣令吏部歲上監司考察知州狀辛酉太皇太后詔今後明堂大禮毋令百官拜表稱賀九月戊寅致齋垂拱殿己卯朝獻景靈宮辛巳大饗明堂赦天下百官加恩賜賚士庶高年九十以上者乙酉加賜韓縝范純仁器幣有差乙未檢舉先朝文武七條戒諭百官遵守冬十月辛丑西南程蕃入貢丁未龍蕃入貢戊申翰林學士蘇轍上神宗御集藏寶文閣癸丑御邇英殿講官進講三朝寶訓十一月庚午勅朝請大夫以下進士為左餘為右溪洞彭儒武等進溪洞布癸未以孫固

知樞密院事劉摯為門下侍郎吏部尚書傅堯俞為  
中書侍郎乙酉有星色赤黃尾跡燭地巳丑太皇太  
后却元日賀禮令百官拜表庚寅張惇買田不法降  
官辛卯改發運轉運提刑預妓樂宴會徒二年法十二月  
庚子遼使耶律等賀興龍節曲宴垂拱殿癸丑更定  
朝儀二舞曰威加四海化成天下甲寅減鄜延等路  
戍兵歸營戊午以御史闕令中丞兩省各舉二人是  
歲夏國邈黎大食麻囉拔國入貢

五年春正月丁卯朔御大慶殿視朝丁丑朝獻景靈  
宮二月丁酉罷諸州軍通判奏舉改官巳亥夏人歸

永樂所掠吏士百四十九人庚子加溪洞人田忠進  
等九十二人檢校官有差辛丑以旱罷修黃河癸卯  
禱雨撤瀆罷浚京城壕丁未減天下囚罪杖以下釋  
之庚戌文彥博以太師充護國軍山南西道節度等  
使致仕令所司備禮冊命壬子彥博乞免冊禮從之  
甲子宴餞文彥博于玉津園三月丙寅病趙瞻薨丁  
卯詔賜故孫覺家緡錢令給喪事壬申以韓忠彥同  
知樞密院事翰林學士丞旨蘇頌為尚書左丞癸未  
罷春宴壬辰罷幸金明池瓊林苑夏四月癸卯詔鄭  
穆王巖叟等同舉監察御史二員甲辰呂大防等以

早求退不允丙午孫固薨癸丑詔講讀官御經筵退  
留一員奏對邇英閣丁巳詔以旱避殿減膳罷五月  
朔日文德殿視朝辛酉以保寧軍節度使馮京為檢  
校司空五月壬申詔差役法有未備者令王巖叟等  
具利害以聞乙亥雨已卯御殿復膳六月辛丑錄囚  
癸亥晝有五色雲七月壬申涇原路經略司言諸人  
違制典買蕃部田土許以免罪自二頃五十畝以下  
責其出刺弓箭手及買馬備邊用各有差乙酉夏人  
來議分畫疆界九月丁丑詔復置集賢院學士冬十  
月癸巳罷提舉修河司丁酉詔定州韓琦祠載祀典

十二月辛卯朔許將罷安康郡王宗隱薨丙辰禁軍  
大閱賜以銀牒匹帛罷轉資是歲東北旱浙西水災  
賜宗室子授官者四十四人斷大辟四千二百六十  
有一高麗子聞龍蕃三佛齊阿里骨入貢

六年春正月辛酉朔不受朝群臣及遼使詣東上閣  
門內東門拜表賀癸酉詔祠祭游幸毋用羔二月辛  
卯以劉摯為尚書右僕射兼中書侍郎龍圖閣待制  
王巖叟簽書樞密院事癸巳以蘇轍為尚書右丞宗  
室士覲追封魏國公庚子拂箠國來貢丁丑授阿里  
骨舅溪邦彪錢為化外庭州團練使三月癸亥呂大

防上神宗實錄已巳御集英殿策進士庚午策武舉  
癸酉詔御史中丞舉殿中侍御史二人翰林學士至  
諫議大夫同舉監察御史二人丙子呂大防特授右  
正議大夫壬午賜禮部奏名進士諸科及第出身九  
百五十七人丁亥罷幸金明池瓊林苑夏四月乙未  
復置通禮科丙申詔恤刑辛丑詔大臣堂除差遣非  
行能卓異者不可輕授仍搜訪遺材以備擢任夏人  
寇熙河蘭岷鄜延路壬寅太白晝見壬子賜南平王  
李乾德袍帶金帛鞍馬五月己未朔日有食之罷文  
德殿視朝庚辰詔娶宗室女得官者毋過朝散大夫

皇城使丁亥後省上元祐勅令格六月壬辰錄囚甲  
辰置國史院修撰官乙卯詔以田思利為銀青光祿  
大夫充溪洞都巡檢秋七月癸亥復張方平宣徽南  
院使致仕乙丑復制置解監使己卯振兩浙水災八  
月己丑三省進納后六禮儀制辛卯詔御史臺臣僚  
親亡十年不葬許依條彈奏及令吏部檢察己亥改  
宗正屬籍曰宗蕃慶系錄令文武臣出入京城門書  
職位差遺姓名及所往己酉修神宗寶訓癸丑詔鄜  
延路都監李儀等以違旨夜出兵入界與夏人戰死不  
贈官餘官降等乙卯夏人寇懷遠砦閏月壬戌嚴飭  
嘉靖丙辰年

陝西河東諸路邊備甲子太白晝見庚午詔御史中  
丞舉殿中侍御史二人翰林學士中書舍人給事中  
舉監察御史四人壬申太子太保致事張方平辭免  
宣徽使不允甲申刑部侍郎彭汝礪與執政爭獄事  
自乞貶遂詔改禮部侍郎九月丁亥夏人寇麟府二  
州壬辰詔州民為寇所掠廬舍焚蕩者給錢帛踐稼  
者振之失牛者官貸市之癸巳御集英殿策賢良方  
正能直言極諫科丁酉御試方正王普等遷官有差  
歲出內庫緡錢五十萬以備邊費甲辰幸上清儲祥  
宮壬子宮成減天下囚罪一等徒以下釋之癸丑以  
執政官行謁禁法非便詔有利害陳述勿禁冬十月  
丁卯有流星晝出東北庚午朝獻景靈宮還幸國子  
監賜祭酒豐稷三品服監學官賜帛有差庚辰令諸  
宮院建小學貴妃苗氏薨癸未編修神宗御製官轉  
秩加賞詔京西提刑司歲給錢物二十萬緡以奉陵  
寢十一月乙酉胡劉摯罷壬辰作元祐觀天曆尚書  
右丞蘇轍罷知絳州辛丑傅堯俞薨十二月戊辰開  
封府火壬申范純仁以前禦敵失策降官是歲兩浙  
水定州野蠶成繭高麗交趾三佛齊入貢  
七年春正月甲辰以遼使耶律迪卒輟朝一日乙巳



張誠一以穿父墓取犀帶責授左武衛將軍提舉亳州明道宮二月丁卯詔陝西河東邊要進築守禦城  
若三月己亥錄囚夏四月己未立皇后孟氏甲子命  
呂大防為皇后六禮使甲戌立考察縣令課績法五  
月戊戌御文德殿冊皇后庚子罷侍從官轉對丙午  
王巖叟罷知鄭州大食進火浣布六月辛酉以呂大  
防為右光祿大夫蘇頌為尚書右僕射兼中書侍郎  
韓忠彥知樞密院事蘇轍為門下侍郎翰林學士范  
百祿為中書侍郎翰林學士梁燾為尚書左丞御史  
中丞鄭雍為尚書右丞戶部尚書劉奉世簽書樞密  
院事甲子置廣文館解額戊辰渾天儀像成甲戌日  
旁五色雲見七月癸巳詔修神宗史復翰林侍講學  
士已酉詔諸路安撫鈐轄司及西京南京各賜資治  
通鑑一部庚戌宗室總麻以上者禁折居八月丙辰  
罷監酒稅務增剩給賞法己未詔西邊諸將嚴備毋  
輕出兵乙亥戒邊將毋倍克軍士前陷交趾將吏蘇  
佐等十七人自拔來歸九月戊戌詔冬至日南郊宜  
依故事設皇地祇禮畢別議方澤之儀以聞己酉永  
興軍蘭州鎮戎軍地震冬十月庚戌朔環州地震丁  
巳陝西有前代帝王陵廟處給民五家充守陵戶丁

卯夏入寇環州十一月辛巳太白晝見甲申詔大中大  
夫以上許占永業田丙戌于闐入貢庚寅帝齋大慶殿  
辛卯朝獻景靈宮壬辰饗太廟癸巳祀天地于園丘  
赦天下群臣中外加恩罷南京榷酒民罹親喪者戶  
以差等與免徭辛丑賜徐王劍履上殿十二月辛亥  
阿里骨李乾德加食邑實封甲子罷飲福宴庚午祈  
雪是歲交州僊源縣生瑞穀高麗占城西南蕃龍氏  
羅氏入貢


八年春正月己卯朔不受朝甲申蔡確卒丁亥御邇  
英閣召宰臣讀寶訓庚寅詔復范純仁大中大夫壬

辰幸太乙宮庚子詔頒高麗所獻黃帝鍼經于天下  
二月己酉詔西南蕃龍氏遷秩補官辛亥禮部尚書  
蘇軾言高麗使乞買歷代史及策府元龜等書宜却  
其請不許省臣許之軾又疏陳五害極論其不可有  
旨書籍曾經買者聽壬子詔刑部不得分禁繫人數  
瘦死數多者申尚書省癸丑詔太寧郡王以下出就  
外學三月甲申蘇頌罷辛卯范百祿罷庚子詔御試  
舉人復試賦詩論三題夏四月丁未朔夏人來謝罪  
願以蘭州易塞門若不許癸丑詔恤刑甲寅令范祖  
禹依先朝故事止兼侍講丁巳詔南郊合祭天地罷

禮部集官詳議五月癸未置蘄州羅田縣丁亥罷二  
廣鑄折二錢己丑錄囚辛卯監察御史董敦逸黃慶  
基以論蘇軾蘇轍罷為湖北福建轉運判官己亥祁  
國公偲為開府儀同三司六月戊午梁燾罷壬戌中  
書後從省上元祐在京通用條貫秋七月丙子朔以觀  
文殿大學士范純仁為尚書右僕射兼中書侍郎戊  
寅令陝西沿邊鉄錢銅錢悉還近地八月丁未久雨  
禱山川辛酉以太皇太后疾帝不視事壬戌遣使按  
視京東西河南北淮南水災癸亥減京師囚罪一等  
徒以下釋之丁卯禱于嶽瀆宮觀祠廟戊辰赦天下

庚午詔陝西復鑄小銅錢辛未禱于天地宗廟社稷  
乙亥禱于諸陵九月戊寅太皇太后崩己卯詔以太  
皇太后園陵為山陵庚辰遣使告哀于遼甲申命呂  
大防為山陵使壬辰詔山陵脩奉從約諸道毋妄有  
進助冬十月戊申群臣七上表請聽政戊辰徐王顥  
乞解官給喪詔不允庚午復內侍劉瑗等六人十一  
月丙子始御垂拱殿乙未以雪寒振京城民饑壬寅  
賜營脩奉山陵兵士十二月乙巳范純仁乞罷不允  
甲寅倣唐六典脩官制丁巳遼人遣使來予祭出錢  
粟十萬振流民己巳上太皇太后謚曰宣仁聖烈皇

右是歲河入德清軍決內黃口



本紀卷第十七

